

Siunnersuummut oqaaseqaatit

Nassuiaatit nalinginnaasut

1. Aallaqqaasiuut

Tuniniaanissamik nittarsaassisarnermut inatsisip siunertaa tassaavoq atuisartunut pissutsit pitsaasuunissaata aammalu naapertuilluartumik unammilleqatigiittoqarnissaata tapersersornissaa. Aammattaaq Kalaallit Nunaanni suliffeqarfinnut atuisartunullu tunngaviusumik piumasaqaatit tuniniaanissamik nittarsaassisarnermut inatsimmi ilaapput. Uukapaatitsissutinik saassusserpalaartunillu tuniniaanissamik nittarsaassinernut atuisartut ilaatigut illersorneqarnerisa, aammalu peqqusersuitsumik inuussutissarsiornermik ingerlataqartut amerlanerpaartaasa peqquserluttunik tuniniaanissamik nittarsaasseriaatsinik akiuutinnginnissaasa, niuerfiit ingerlalluartut tapersersorpai.

Teknologikkut attaveqaqatigiinnermilu ineriartornerit tuniniaanissamik nittarsaassisarnermullu periarfissanik unammillernartunillu pilersitsijuartitsipput, ingammik digitalikkut inoqutinullu attaveqaatini. Tamanna malittarisassanik nutaarsaanissamik erseqqiissaalluarnissamillu pisariaqalertitsivoq, tassani ilanngullugu ullutsinni ussassaarutit pasinaarsaakkat pinngitsoortinniarlugit. Siunnersuutip atuisartut atupilunneqarsinnaasut, soorlu meeqqat inuusuttullu, kiisalu inuit atuinnermut taarsigassarsisut illersorneqarnissaat annertusassava.

Tuniniaanissamik nittarsaassinerit meeqqanut inuusuttunullu takussaaneri, annerusumik inuit attaveqatigiittarfiini, annertusiartorpoq. Eqimattat taakku sunneruminartuupput, niuernermilu oqariartuutigineqartut suussusersinissaanut ajornakusoortitsikulasuullutik, aammalu tuniniaanissamik nittarsaassinerniit qanoq sunnerneqarnerlutik paasiuminaatsissinnaavaat, tassannga pingaartumik tuniniaanissamik nittarsaassinerimi meeqqat inuusuttullu ilutigisat atorneqartillugit.

Inuit attaveqarfiini inummut tunngasumut, kammaginiarnermut, aningaasarsiuutiginiarnermullu oqariartuutit akulerunneri pissutaalluni qaqugukkut oqariartuut aningasaarsiuutiginiarneqartarnersoq, meeqqanut inuusuttunullu takujuminaanneqarsinnaavoq, aammattaaq oqariartuutit akulerunnerisa pissutaallutik meeqqat inuusuttullu oqariartuummut isornartorsiunnginnerupput. Inatsisissatut siunnersuut taamaasilluni qaqugukkut qanorlu meeqqanut inuusuttunullu tuniniaanissamik nittarsaassisoqassanersoq pillugu malittarisassanik ersarinnerusunik pilersitsissaaq, taassumalu ilagalugu imarisat aalajangersimasut sumilu saqqummiunneqartassaneri inernerneqassalluni.

Qaffasissunik aningaasartuutilinnik atuisunut taarsigassarsititsiniarnissamut kiffaanngissusilimmik tuniniaanissamik nittarsaassissinnaaneq periarfissaavoq. Taarsigassarsititsinerit amerlasuut sukkasuumik ajornanngitsumillu pisarput, oqarasuaatillu

angallattakkat atorlugit qinnutigiuminartuullutik, tamassumalu eqqarsaatigilluaqqaanngisamik naleqqutinngitsumillu taarsigassaqaalernissamut aarlerinaat qaffattarpaa. Taamaattumik inatsisissatut siunnersuutip ukiumut procentitigut annertuumik aningaasartuutitalinnik (ÅOP) atuisunut taarsigassissiisartut tuniniaanissamik nittarsaassinnaaisai inerteqqutaalersippaa. Tamassuma saniatigut taarsigassarsiassanik tuniniaanissamik nittarsaassineq pinnguaatinut eqquiniaasitsinermullu tuniniaanissamik nittarsaassinermut atassuteqartillugu inerteqqutaatinneqarnissaa siunnersuutigineqarpoq.

Tamatuma saniatigut inatsisissatut siunnersuummi atuisartut sukkasuumik pisariitsumillu naammagittaalliutaannik suliaqartuarnissaq pisortatigut atuisartut naammagiittaalliuteqartarfissaat siunissamut qulakkeernissaa siunertarineqarpoq.

Inuiaqatigiinni mikisuni, inuiaqatigiinni iliuutsit malitsigisinnaasai aamma aaqqiagiinngissutaalersinnaasut peqqutaallutik, immikkut inatsisinik unioqqutitsisimasunut tunngatillugu innuttaasut nunagisaminni oqartussanut kinaassusertik isertuullugu nalunaaruteqarsinnaaneq periarfissaanngikkaangat, nalunaaruteqarnissaminnut tunuarsimaakulasarput. Taamaattumik kinaassutsimik isertuussilluni, unammilleqatigiinnermut inatsimmi unioqqutitsisimasut pillugit aqutsisoqarfiup whistleblowerportal-ia aqutigalugu Atuisartoqarnermut Unammilleqatigiinnermullu Aqutsisoqarfimmut nalunaaruteqarnermik periarfissaasumut tuniniaanissamik nittarsaassisarnermut inatsimmi unioqqutitsinerit ilanngunneqarnissaat siunnersuutigineqarpoq.

Naggasiullugulu, tuniniaanissamik nittarsaassisarnermut inatsimmut peqqarniitsumik unioqqutitsinermik tunngasunik suliani inuussutissarsiornermik ingerlataqartup pisuutinneqarnermini akiligassitsissummik pineqaatissinneqarsimatillugu, suliffeqarfik pillugu paasissutissat tamanut ammasumik takuneqarsinnaanngorlugit saqqummiunneqarsinnaanissaat siunnersuutigineqarpoq.

Inatsisissatut siunnersuummi aalajangersakkat danskit inatsisaanni misilittakkat annertuumik aallaavigalugit pilersinneqarput. Kalaallit Nunaata Danmarkillu akornanni inunnik, paasissutissanik aammalu nioqqutissanik qanimut paarlaaqatigiittarneq pissutaalluni, tuniniaanissamik inatsimmi aalajangersakkat naligiissarneratigut tamanna naleqqutut nalilerneqarpoq.

2. Siunnersuummi pingaernerutitat

2.1. Inatsisit atuuttut

Tuniniaanissamik nittarsaassisarnermut inatsimmi § 4-p toqqaannanngitsumik ussassaarutitut inerteqqummik imaqarpoq. Ullumikkut sunaluunniit ersarissumik takuneqarsinnaanngitsumik aningaasarsiornermik siunertaqartoq toqqaannanngitsumik ussassaarinertut paasineqartarpoq. Toqqaannanngitsumik ussassaarutit assersuutigalugu tassaasinnaapput aviisini, atuagassiani, radiomi, tv-mi blogsinilu ussassaarutit aqqqissuisuneersunik tusagassiatut saqqummertut. Aamma tunisassiap inissisimaneraasinnaavoq, soorlu inuussutissarsiornermik ingerlataqartut aamma inuit filmimik aallakaatitassamilluunniit suliaqartut akornanni isumaqatigiissutaasut aallaavigalugit filmi tv-kkullu aallakaatitassiani tunisassiat/ilisarnaatit aaliangersimasut

saqqummiunneqarneri. Aalajangersakkap siunertaa tassaavoq, ussassaarummi oqariartuutigineqartup ussassaarutaanerata tiguisissamut erseqqissuunissaata qulakkeernissaa, taamaasilluni tiguisissap oqariartuutigineqartoq taamatut isigalugu nalilersinnaaniassammagu.

§ 4 maanna atuuttup danskit tuniniaanissamik nittarsaassisarnermut inatsisaat siornatigut atuuttoq aalajangersakkap assigaa. Aalajangersakkap suliarineqarnerani nassuiaatitaani allanneqarnikuuvoq, tamanna atuutissappat suliami peqataasut akornanni isumaqatigiissuteqaqqaassasut.

Taamaattumik § 4 maanna taamatut iluseqartillugu piumasaqaataavoq, ussassaarut ussassaarutaassappat, nioqqutimik ussassaarisoq inuussutissarsiornermik ingerlataqartup aammalu inuup saqqummiisup akornanni isumaqatigiissuteqarsimanissaat.

Assersuutigalugu, ussassaarummik saqqummiisoqarnissaanik oqaasertalerneqanngitsumik isumaqatigiissusiortoqarsimasoq uppersarsarneqarsinnaanngippat, suliffeqarfiup nioqqutissamik saqqummiussinissaq neriutigalugu, influencer-imut nioqqummik pinnattaassamik tunniussisimanera naammanngilaq. Taamatuttaaq iliornermi atuisartut ilisimanngisaanik suliami peqataasut akorniminni aningaasatigut iluanaaruteqaralarpataluunniit. Pingaartumik inuit attaveqarfiini tuniniaanissamik nittarsaassineq pippat, isumaqatigiissusiortoqarsimanersoq uppersarsaruminarsinnaavoq. Tamassuma toqqaannanngitsumik ussassaarinnermut illersorneqarnissamut annikillisippaa, pingaartumillu meeqqanut inuusuttunullu pineqartillugit, taakkuami inuit attaveqarfiisigut aningaasarsiorfiuneranik takunnissinnaanerak annikinnerummat.

Ullumikkut tuniniaanissamik nittarsaassisarnermut inatsimmi § 9 ilaatigut meeqqanik inuusuttunillu illersuinnermik imaqarpoq. Aalajangersakkap aalajangerpaa tuniniaanissamik nittarsaassinerit meeqqanut inuusuttunullu saaffiginnittut aanngajaarniutinik tassannga aamma imigassanik aalakoornartortalinnik eqqartuinnermik, assilissanik innersuussutinillu imaqaanngitsut. Kisiannili aalajangersagaq annikitsuinnarmik oqaasertaqarpoq, meeqqanut inuusuttunullu 18-it inorlugit ukiulinnut ulorianarsinnaasunik tulluannngitsunillu tunisassianik, assersuutigalugu palersartarfinnut, energidrikkinut sanigorsaatinullu tunngasunik imaqarnani.

Ullumikkut tuniniaanissamik nittarsaassisarnermut inatsit inuit attaveqatigiiffiinni profil-isigut meeqqanut inuusuttunullu tuniniaanissamik nittarsaassisarnermut aalajangersakkanik aalajangersimasunik peqaanngilaq. Ullumikkut, tuniniaanissamik nittarsaassinnermi pitsaasumik ileqqoqarnissaq pillugu inatsimmi § 9, tak. § 1, imm. 1 aqutigalugu immikkut piumasaqaatit nalinginnaasumi, inuit attaveqatigiiffiisigut meeqqanut inuusuttunullu tuniniaanissamik nittarsaassinnermi pissutsit immikkut isiginiarneqartussat aalajangersarneqarnikuupput, tamatumunngalu naleqqussaanermik inissaqartitsilluni, kisiannili tamanna ilutigalugu atuisartut suliffeqarfiillu inatsisitigut illersorneqarnissaannut qularnartitsilluni.

Tuniniaanissamik nittarsaassisarnermut inatsit atuuttoq immikkut ittumik atuisunut taarsigassarsitsiniarneq pillugu tuniniaanissamik nittarsaassinnermut tunngasumik malittarisassaqaartitsinngilaq, aamma ukiumut annertuumik aningaasartuutilinnik

taarsigassarsisitsinermik tuniniaanissamik nittarsaassisarnermut atatillugu immikkut ittumik killilersuutunik atuuttoqanngilaq. Atuisartut oqarasuaatit angallattakkatik aqqutigalugit ussasaarutunik tamakkuninnga takusarnertik peqqutigalugu annertuumik ÅOP-qartunik (ukiumoortumik aningaasartuutit procentinngornerat) piffissap sivikitsup iluani taarsersugassanik taarsigassarsisinnaasarput, tassanilu erniat, akiliutit, akiliinngitsoornermilu pillaatitut erniaritat katillugit taarsigassarsiap nalinganik annertuumik qaangiisunik. Aammattaaq taarsigassarsiassanik tuniniaanissamik nittarsaassinerit, pinnguaatinut/aningaasanoorutunut ussasaarutunut qanitsillugit (assersuutigalugu nittartakkami assigiimmi) nittarsaassinissaq inerteqquteqanngilaq, naak nioqqutit taakku marluk ataatsimoortinnissai tulluanngikkaluartoq, aningaasanoornermullu uerinissamut qanillisaataasinnaalluni.

Atuisartut inuussutissarsiornermillu ingerlataqartut akornani isumaqatigiinngissutit suliarisarniarlugit Atuisartut Pisisartullu Maalaarutaannik Aalajangiisartut pilersinneqarnikuupput. Massakkuugallartillugu ilaasortat marluk atuisartunut kattuffinniit inuussutissarsiornermilu kattuffinnit inassuteqarnerisigut toqqarneqartarput. Atuisartunut kattuffimmik (NGO) ilaasortamik inassuteqarsinnaasumik nassaartoqarsinnaanngimmat, taamatut inissiisoqarsimaneq siunissami ungasinnerusumi.

Pisortani ingerlatsinermi inatsisilerinermi malittarisassat, tassannga aamma allagaatinik takunnissinnaanermut tunngatillugu pisortat ingerlatsinerat pillugu paasitinneqarsinnaatitaaneq pillugu inatsimmi aamma pisortat ingerlatsineranni suliassat suliarineqartarnerat pillugu inatsimmi aalajangersakkat najoqqutaralugit, tuniniaanissamik nittarsaassisarnermut inatsisinik unioqqutitsinerit pillugit Atuisartoqarnermut Unammilleqatiginnermullu Aqutsisoqarfimmut nalunaarutiginninnerit inatsit atuuttoq malillugu suliarineqartarput. Tamassuma imaraa, saaffiginnittup kinaassusaa aamma nalunaarutiginninnerup imarisaa aallaaviusumik allagaatinik takunnissinnaanerup ataaniittusaaaneri, inatsisilli nalinginnaasut assersuutigalugu inuinnarnik imaluunniit pisortanut attuumassuteqartut, nipangiussisusaaatitaanermut tunngasut, imaluunniit suliap pissusaanut tunngasut illersornissaanut immikkut ittumik iliortoqartinnagu.

Tamanna isumaqarpoq, suliani tamani suliassamut tunngasunik ilisimasaqarsinnaatitaaneq akuerineqassanersoq imaluunniit itigartinneqassanersoq aalajangersimasumik ataasiakkaatigullu nalilersorneqassasoq. Tassani inuussutissarsiornermik ingerlataqartup kiap nalunaaruteqarsimaneranut, nalunaarullu sumik imaqarneranut ilisimasaqalerneranut tunngatillugu, kiisalu paasissutissallu tamanut takuneqarsinnaanerannut tunngatillugu. Taamaattumik kinaassutsimik isertuussinissaq siumoortumik qulakkeerneqarsinnaanngilaq.

Kalaallisulli tamanna aqqissuunneqarnera immikkut ittumik iluseqarpoq. Nunap ilisarnaatigaa inuiaqatigiit amerlannginneri imminnullu qaninneri, tassani naammagittaalliuuteqartoq - naak aqqa taaneqanngikkaluartoq – amerlasuutigut saaffiginnissutip imarisaa imaluunniit pissutsit allat najoqqutaralugit kinaassusaa paasineqarsinnaasarpoq. Suliffeqarfinni inatsisinik unioqqutitsinernut tunngassuteqartunik atuisartut imaluunniit atorfillit nalunaarutiginninnissaanut tamanna ingalassimaartitsinnaavoq, pingaartumik pissutsit mianernartunut imaluunniit inuttut, inuiaqatigiinni imaluunniit aningaasaqarnikkut kinguneqarsinnaasunut tunngassuteqartillugu.

Massakkuugallartumi malittarisassat malillugit atuisartut pisisartullu naammagittaalliuutaannut suliat aalajangersimasut minillugit, suliat allat tamarmik kinaassutsimut paasissutissai piiarneqareerlutik saqqummiunneqartarput. Tassani aamma tuniniaanissamik nittarsaassisarnermut inatsimmi aalajangersakkat akiligassiissuteqarfiusinnaasut peqqarniitsumik unioqquitsisimanerminik inuussutissarsiornermik ingerlataqartup pisuussutsiminik nassuernikoq akiligassinneqarnerminilu akuersinikoq, imaluunniit pisuutinneqarnikoq eqqartuussivinniillu akiligassinneqarnikoq pillugit suliat ilaapput.

2.2. Siunnersuutip imarisaa

Inatsisissatut siunnersuut toqqaannanngitsumik ussassaarutinut illersorneqarnissap annertusarnissaanik siunertaqarpoq, pingaartumik inuit attaveqatigiittarfii atorlugit qaqukkut inummut tunngasumut oqariartuuteqartoqarnerseq qaqugukkullu aningaasarsiutiginiarlugu oqariartuuteqartoqarnerseq takujuminaassiarthonerata annertusiartonerani. Taamaattumik § 4-mi ussassaarummut nassuiaatip erseqqissarlugulu ilassuserneqarnissaa siunnersuutigineqarpoq, oqaaseqarnerit ussassaarutitut isigineqassappata erseqqissumik isumaqatigiissusiortoqarsimanissaq piumasarineqarunnaarniassammat. Kisiannili imarisami aningaasarsiuteqarnermik siunertaqartoqarnerseq, ussassaarutitullu siunertaqartoqarnerseq pingaartinneqassapput. Taamaasiornermi toqqaannanngitsumik ussassaarutit inerteqqutit pingaartumik meeqqanut inuusuttunullu, qaqugukkut ussassaarfigineqarnerminnut takunnissinnaanerata annikinnerusunut, maleruaqquneqarnissaanik periarfissat pitsanngorsarneqassapput.

Meeqqat inuusuttullu immikkut ittumik illersorneqarneri annertusarniarlugu siunnersuutigineqarpoq tuniniaanissamik nittarsaassisarnermut inatsimmi § 9, imm. 3 aamma meeqqanut inuusuttunullu 18-it inorlugit ukiulinnut, aanngajaarniutit saniatigut, nioqqutit tulluannngitsut aamma ilaatinneqalissasut. Assersuutigalugu energidrikkit, sanigorsaatit aamma palersarnermut kiffartuussutit.

Aammattaaq siunnersuutigineqassaaq, tuniniaanissamik nittarsaassisarnermut inatsimmi malittarisassat inuit attaveqatigiiffiinni meeqqanut inuusuttunullu tuniniaanissamik nittarsaaseriaatsit aalajangersimasut inerteqarnerit ilanngunneqassasut. Profilit meeqqat inuusuttullu 15-it inorlugit ukiulimmiit pigineqartut imaluunniit pigineqartutut isikkoqartut atorlugit tuniniaanissamik nittarsaassinerit, kiisalu nioqqutissamut attuumassuteqartoqartinnagu meeqqat inuusuttullu 15-it inorlugit ukiullit atorlugit tuniniaanissamik nittarsaassinerit inerteqquteqarnissaat siunnersuutigineqarpoq. Taamatut iliuuseqarnermi meeqqat inuusuttullu digitalikkut attaveqarfiisigut tuniniaanissamik nittarsaassinermiit sunnerneqarnerat annertunerumik illersorneqarnerat qulakkiissavaat. Ingammik meeqqat meeraqatiminnut immikkuullarissumik tatiginnittariaasiat aqqutigalugu, imaluunniit tuniniaanissamik nittarsaassinermi akuusunut peqataasunulluunniit illuinnersiortumik atassuteqarneq aqqutigalugit sunniiniaasarnermut tunngasut pinaveersaarneqarnissaat siunnersuutigineqarpoq.

Aammattaq inatsisissatut siunnersuut inerteqqutimik imaqarpoq, tassani atuisartunut taarsigassarsisitsisartut suliffeqarfiit 25 procentimik annerusumilluunniit ukiumut procentigut aningaasartuutilinnik tuniniaasarpat, suliffeqarfiup inaata namminerlu nittartagaata silataani atuisartunut akiligassiissutinik isumaqatigiissutinik tuniniaanissamik nittarsaaqqusaanngiivipput, immikkut ittut pinnagit. Tamassuma saniatigut pinnguaatinut/aningaasanoorutitut atatillugu taarsigassarsianik tuniniaanissamik nittarsaassisarnerup inerteqqutaalernissaa siunnersuutigineqarpoq.

Inatsisissatut siunnersuummi Atuisartut Pisisartullu Maalaarutaannik Aalajangiisartut atorunnaarsinneqarnissaanut, suliaallu siunissami Atuisartoqarnermut Unammilleqatigiinnermullu Aqutsisoqarfimmiit, maannamut aalajangiisartunut inatsisilerinikkut allattoqarfittut atuuffeqartumut, suliarineqartassasut siunnersuutigineqarpoq.

Piffissami matumani Atuisartut Pisisartullu Maalaarutaannik Aalajangiisartut siulittaasuat Atuisartoqarnermut Unammilleqatigiinnermullu Aqutsisoqarfiup pisortarivaa, soorluttaaq aalajangiisartut allattoqarfiat aqutsisoqarfimmiit kiffartuunneqartoq, tassani naammagittaalliuutinik sulianik suliarinnittuusalutik, aammalu aalajangiissuteqarfigisassanut allaqqitassianik allanneqareernikunik aalajangiisartunut saqqummiussisarlutik.

Atuisartunut kattuffiit inuussutissarsiornermilu kattuffiit anguniagai imminnut assigiinngissinnaasut naligiimmik pineqarnissaat pilersinniarlugu ilaasortat allat marluk eqimattaniit taakkunaniit inassutigineqartarput. Atuisartunut kattuffimmik (NGO) ilaasortamik ingerlaavartumik inassuteqarsinnaasumik nassaartoqarsinnaanngimmat, taamatut inissiisoqarsimaneq siunissami ungasinnerusumi ataavarsinnaanngilaq. Tamassuma saniatigut inuinnarnik saqitsaanermik inatsisilerinermi aaqqiagiinngissutit inuussutissarsiornikkut atuisartoqarnikkullu politikikkut soqutigisat najoqqutaralugit inatsisit malillugit aalajangiisoqarsinnaanngilaq, taamaallaalli piffissami atuisartoqarnermut inatsisit atuuttut najoqqutaralugit inatsisilerinikkut naliliinikkut.

Aalajangiisartut ukiuni arlalinni allattoqarfimmiit aalajangiissutinut innersuussat [indstillinger] inernerisa imaanut allannguneq ajormata, aalajangiisartut sulianik sullissinerat sunniuteqarpiaavinngitsutut nalilernerqarpoq, tamatumunngalu ilaasortanut avataaneersunut akissarsisitsinermi aningaasartuuteqartitsilluni, suliallu suliarineqarnerini piffissamik sivitsuisuusaluni.

Taamaattumik maannamut maalaaruteqartarfik atuisartoqarnermut tunngasunik sulianik aalajangiissuteqartartoq allaffissornikkut naammagittaalliuuteqartarfinngussasoq siunnersuutigineqarpoq, taamaasilluni aalajangiisutit toqqaannaq Atuisartoqarnermut Unammilleqatigiinnermullu Aqutsisoqarfimmit aalajangiissuteqarfigineqartalerniassammat. Atuisartoqarnermut Unammilleqatigiinnermullu Aqutsisoqarfik Inatsisartut inatsisaata maleruarneqarluarnissaa qulakkeerniarlugu unioqqutitsisimasoqarsinnaanera pillugu paasissutissanik nalunaarutinillu pisariaqartitsigajuttarpoq.

Ullumikkut unammilleqatigiinnermut inatsisilerinermi tunngatillugu malittarisalittut whistleblower-imik aqqissuusamik peqareerpoq, tassani Atuisartoqarnermut Unammilleqatigiinnermullu Aqutsisoqarfiup nittartagaa aqutigalugu kinaassutsimik

isertuussilluni saaffiginniffiginnaasamik. Tamanna aaqqissuusaq allatigut inatsisitigut unioqutitsissutit pillugit aqutsisoqarfimmut nalunaaruteqarnermut atorneqarsinnaareerpoq, atimik paasissutissiinnikkaluarluni, elektroniskikkullu ujarneqarsinnaanngiffiulluni. Atuisartut suliffeqarfinilu sulisut whistleblowerportal atorlugu tuniniaanissamik nittarsaassisarnermut inatsimmut unioqutitsisoqarsimanera pillugu aqutsisoqarfimmut nalunaaruteqarnerminni kinaassutsiminnik paasititsisimasut, imaluunniit inuussutissarsiornermik ingerlataqartup nalunaarummi imarisat tunngavigalugit kinaassutsimik ilisimasaqalertariaatillugu, innuttaasumiit akuersissuteqaqqaartinnani saaffiginnissut inuussutissarsiornermik ingerlataqartumut ingerlateqqinneqannginnissaa inatsisitigut aalajangersaanikkut qulakkeerlugu illersorneqartariaqarput.

Aaqqissuusap siunertaa tassaavoq, inuiaqatigiinni mikisuni kinaassutsimik isertuussisarnerit takorluugaannaakulaffiini whistleblower-it illersornissai, tassani sumiiffinni inuussutissarsiornermik ingerlatalinnut, niuerniarfigisariaqartakkanut, aammalu sulisitsisuusinnaasunut akerlerisaqarneq inuttut annertuumik kinguneqarsinnaasarpoq. Tamanna najugaqarfinni mikisuni innuttaasut atitigut illersussavai, sumiiffigisami inuussutissarsiornermik ingerlatallit iliuusai, tuniniaanissamik nittarsaassisarnermut inatsimmut akerliusinnaasut pillugit aarlerinaatitaqanngitsumik Atuisartoqarnermut Unammilleqatigiinnermullu Aqutsisoqarfimmut ilisimatitsisinnaanissamik periarfissiissaaq. Innuttaasoq Atuisartoqarnermut Unammilleqatigiinnermullu Aqutsisoqarfimmut, aqutsisoqarfiup whistleblowerportal-ia aqutugalugu, inatsimmik unioqutitsiniusinnaasoq pillugu saaffiginnippat, siunnersuutip qulakkiissavaa suliffeqarfik innuttaasup atorfeqarfigisinnaasaa imaluunniit ulluinnarni niuerniarfigisariaqartagaa saaffiginnisummi allagaatinik takunnissinnaatitaassannginnera. Taamaasilluni qulakkeerneqassaaq whistleblower-it suliffeqarfimmiit akiniaaffigitattannginnissai, taamatuttaarlu suliffeqarfimmi pissutsit isornartut pillugit ilisimatitsiinissamut oqarnaveersaartitsisoqartannginnissaata ingalassimaartinneqarnissaa.

Siunnersuutip unammilleqatigiinnermi whistleblowerordningi pioereersoq annertusissavaa, tuniniaanissamik nittarsaassineq ilanngullugu, taamaasilluni taamatuttaaq tuniniaanissamik nittarsaassinermut tunngatillugu nalunaarutiginnittup kinaassusaata isertuunneqarnissaa qulakkiissavaa

Kinaassutsimik isertuisuniit saaffiginnissutini Atuisartoqarnermut Unammilleqatigiinnermullu Aqutsisoqarfiup isertukkatut suliarinnissinnaanera siunnersuutip qulakkiissavaa, taamaallaallu akuersissuteqartoqartillugu kinaassutsimik isertuussissuniit saaffiginnissutit pillugit imaluunniit taamaattut saaffiginnissutit imarisai pillugit ilisimatitsiisinnalluni.

Aammattaaq siunnersuutigineqarpoq, inuussutissarsiornermik ingerlatallit pisuussutai pisortatigut inaarutaasumillu aalajangiissuteqarfigineqartillugit, inuussutissarsiornermik ingerlatalik akiliisinneqartillugu imaluunniit inaarutaasumik akiligassartalimmik pineqaatissinneqartillugu tuniniaanissamik nittarsaassinermut tunngatillugu suliat pillugit atimik taasinikkut tamanut ammasumik paasissutissiinissaq periarfissaalissasoq.

3. Pisortanut aningaasaqarnikkut allaffissornikkullu kingunerit

Siunnersuut pisortanut allaffissornikkut killilimmik kinguneqarnissaa nalilerneqarpoq. Taakku aningaasaqarnerup pioreersup iluani aqunneqarsinnaanissai naatsorsuutigineqarpoq. Tamanna Atuisartoqarnermut Unammilleqatigiinnermullu Aqutsisoqarfiup atuisartoqarnermut immikkoortortaqaarfiani sulisoqarnikkut piginnaanernik nutaamik agguaasoqarnissa kingunerissavaa. Piffissami maanna ingerlareersimasumi tuniniaanissamik nittarsaassinermut inatsimmi aalajangersakkanik pioreersunik nakkutilliisoqarsimanera, maanna aalajangersakkanik nutaanik nakkutilliinermut ingerlatinneqassaaq.

Atuisartoqarnermut Unammilleqatigiinnermullu Aqutsisoqarfiup nittartakkamini Unammilleqatigiinnermut tunngasunut whistleblowerportal-imik peqareerpoq. Taamaattumik atuutilernermi aqutsisoqarfiup nittartagaani allatat link-illu kisiisa nutartertariaqassapput.

Siunnersuummi nalilerneqarpoq Atuisartoqarnermut Unammilleqatigiinnermullu Aqutsisoqarfimmi sulianik suliarinninnerisa sivisussusaanut sivitsuinavianngitsoq.

4. Inuussutissarsiornermut aningaasaqarnikkut allaffissornikkullu kinguneri

Inatsisissatut siunnersuut arlalinnik allannguutinik imaqarpoq, inuussutissarsiornermik ingerlatalinnut ilaannut aningaasaqarnikkut allaffissornikkullu kinguneqarsinnaasunik, pingaartumik atuisunut taarsigassarsisitsiniartartunut, aamma suliffeqarfinnut meeqqanut inuusuttunullu saaffiginnittunik tuniniaanissamik nittarsaassisartunut.

Inatsisissatut siunnersuut ingerlatsivinni attuumassuteqartuni inuussutissarsiornermik ingerlatalinnut allaffissornikkut ajortumik arlaatigut kinguneqarnissaa nalilerneqarpoq, pingaartumik siunissami qaninnerusumi inatsisinik maleruaanissamut ("compliance") qulakkeerinninnissamut atatillugu. Assersuutigalugu aningaaseriviit, il.il. Kalaallit Nunaanni tuniniaanissamik nittartaassisartut akiliutaasa aamma erniarititaasa arlaatigulluunniit akisuumik taarsigassarsisitsisarnermik tuniniaanernik nassataqarnersoq misissuvaat, nalinginnaasumik tamat iserfigisinnaasaanni atuisartunut akiligassarsisitsinissamut isumaqatigiissutit tuniniarnissaanut nittarsaasisinnaannissaanut akornutaassaaq.

Inuussutissarsiornermik ingerlatallit tuniniaanissamik nittarsaassinermut inatsimmi annertuumik unioqqutitsisimasut imaluunniit akiligassitsissimasut atiinik taasinikkut suliat tamanut saqqummiunneqarsinnaanngornissaanut periarfissap tutsuiginassusermik annaasaqarnermik kinguneqarsinnaavoq.

Siunnersuulli siunissami ungasinnerusumi paasiuminarnerusumik, akisussaassuseqarnerusumik aamma ingerlalluarnerusumik niuerneramik nassataqarnissaa naatsorsuutigineqarpoq, ingerlatsisuniit amerlanngitsuniit naapertuutinngitsumik unammillernerit annikillinerasigut, aamma atuisartuniit tatiginninneq annertusineratigut inuussutissarsiornerup annertunerpaartaanut iluaqutaassaaq.

5. Avatangiisinut, pinngortitamut inuillu peqqissusaanut kingunerit

Inatsisissatut siunnersuut avatangiisinut, pinngortitamut inuillu peqqissusaanut kinguneqarnavianngilaaq.

6. Inuit pisinnaatitaaffii innuttaasunullu kingunerit

Inatsisissatut siunnersuut ataatsimut isigalugu innuttaasunut ajunngitsumik kinguneqarnissaa naatsorsuutigineqarpoq, pingaartumik atuisartunut mianernartuni aamma navianartuni inissisimasunut.

Aammattaaq tamanna nioqqutiniq tulluanngitsunik tuniniaanissamik nittarsaassinernik aaliangersimasunut saaffiginnittunik meeqqat inuusuttullu saqqummiussiffigitittarnissaanut pitsaaliissaaq, aamma ”influencer”-it ilutigisat ikinngutiginnermik tatiginassusermillu, illuinnaarsortumik atassuteqaammik pilersitinikkut, misigititsisarneri atornerlullugit atornerqartarneranut pitsaaliissalluni.

Tamassuma saniatigut suliffeqarfiit tamat iserfigisinnaasaanni taarsigassarsiassanik akisuunik, tassannga aamma kviklân-inik tuniniaasartut tuniniaanissamik nittarsaassisarnerisa killilersorneqarnerata annertuumik taarsigassarsisarneq siunnersuutip pitsaalissavaa. Inatsisissatut siunnersuutip siunertaa tassaavoq, Kalaallit Nunaanni aningaaseriviit allallu taarsigassarsisitsartut, kviklân-inik nioqqutiniq 25 procent-i sinnerlugu ÅOP-linnik tuniniaasartut, ÅOP-tik annerpaamik 25 procent-inngortinnissaanut kajumissaarneqarnissaat, tamanna innuttaasut ilaasa akiitsornermi annertuumik nalorninartullit kviklân-ersinnaanissaanut pitsaaliissaaq. Tamanna inunnut ataasiakkaanut pitsaanngitsumik kingunertut misiginarsinnaassaaq, taamaattorli innuttaasut taarsiisarnissaminnut periarfissatik saniatigut akiitsoqalernissaanut pitsaaliissaaq.

Siunnersuutip sumiiffinni qitiusuni atuisartut ataasiakkaat illersorneqarneri nukittorsassavaa.

Innuttaasut inuttut pisinnaatitaaffiit tunngatillugu kinguneqartitsinavianngitsut siunnersuummi nalilerneqarpoq.

7. Nunanut allanut attuumassutaarmut nunallu immikkoortuani politikkinut kingunerit, kingunerillu allat

Inatsisissatut siunnersuut Kalaallit Nunaanni Namminersorlutik Oqartussat nunanut allanut attuumassuteqarnerannut, nunap immikkoortuani politikkiinnut imaluunni kingunerinut allanut tunngassutilinnik aalajangersakkanik imaqaangilaq.

8. Allat kingunerit annertuut

Inatsisissatut siunnersuut allanik annertuunik kinguneqarnissaa naatsorsuutigineqaangilaq.

9. Oqartussat aamma kattuffiit il.il. tusarniaavigineqarneri

Siunnersuut piffissami 10. novembari 2025-miit – 9. decembari 2025-mut www.naalakkersuisut.gl tusarniaaviani tamanut ammasumik saqqummiunneqarsimavoq.

Siunnersuut piffissami aamma tassani ukunani tusarniaassutigineqarpoq:

Aningaasaqarnermut Naalakkersuisoqarfik
Sulisitsisut
NUSUKA

Advokatit peqatigiiffiat Nunatsinni Advokatit
Meeqqat pisinnaatitaaffiit sullissivik (MIO)
Grønlandsbanken
Bankivik
Avaanaata Kommunia
Kommune Kujalleq
Kommune Qeqertalik
Kommuneqarfik Sermersooq
Qeqqata Kommunia

Tusarniaanermut nassuiaatit ilanngussaq 2-mut ilanngunneqarnikuupput.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Aalajangersakkap maannamut siunertaa tassaavoq, ussassaarut ussassaarutaaneramik ussassaarutip oqariartuutaanik tiguisoq erseqqissaaffigineqartarnissaa, taamaasilluni toqqaannanngitsumik ussassaarutit pitsaalineqassallutik. Ussassaarutit suulluunniit taamak isikkoqanngitsut toqqaannanngitsumik ussassaarutaapput. Taamaasilluni aalajangersagaq aallaaviusumik maannakkut § 4-p imarisaata assigaa.

Aalajangersakkalli maannamut piumasaqaat atuuttoq ingerlateqqinngilaa, aningaasarsiornissamik siunertaqartoqassatillugu, inuussutissarsiornermik ingerlatallip aamma nioqqummik saqqummiisup akornanni, assersuutigalugu atisaarniarfik blogger-illu akornanni isumaqatigiissuteqaqqaartoqarnissaanut piumasaqaat ingerlateqqinnagu.

Pissutsit aalajangersakkami ilaassappata inuussutissarsiornermik ingerlatalik tuniniaanissamik nittarsaassineq atuuttoq atorlugu aningaasarsiornissamik siunertaqarnissaa piumasaqaataavoq. Kisiannili inuussutissarsiornermik ingerlatalik aamma tuniniaanissamik nittarsaassinermik suliaqartullu akornanni aningaasarsiornissamik siunertaqarneq pineqassappat isumaqatigiissuteqaqqaartoqarnissaa piumasaqaataanngilaq. Taamaattorli nioqqutimik pilerisaarineq pillugu isumaqatigiissusiortoqarsimatillugu tamatigut aningaasarsiornissamik siunertaqartoqartuaannassaaq. Pissutsini inuussutissarsiornermik ingerlatalik allanut pinnattaassamik tunniussitillugu imaluunniit nioqqutimik atorsinnaalersitsitillugu, assersuutigalugu blogger-i imaluunniit attaveqatigiittarfinni allat saqqummernerini, taamaattorli tiguisoq nioqqutip aalajangersimasumik atornissaanut pisussaaffilerneqanngitsillugu, naliliineq aallaavigalugu aningaasarsiornissamik siunertaqarneq ilaasarteq paasinarsisinnaasarpoq. Siornatigut inuussutissarsiornermik ingerlatalimmik niuernermik suleqatiginnissutit aamma, pissutsit apeqqutaatillugit, suleqatigiinnerup unereernerata kingorna atiata nioqqutaasalu saqqummersittarnerisa ingerlatiinnartillugit sulit aningaasarsiornissamik siunertaq piusarpoq, tassa aningaasarsiornissamik atassuteqaat ileqqumisut iinnartillugu, suleqatigiinnerillu nutaat angullugit. Influencer-i nammineq ikinngutimi nioqqutaanik pilerisaarippat, akeqanngitsumik ikinngutitut ikiuilluni, tamanna aamma aningaasarsiornissamik siunertaqartarpoq.

Aalajangersakkap piumasaqaatigaa aningaasarsiornissamik siunertaq ersarissumik ilisimatitsiissutigineqassasoq, ataqatigiissummi ersarissumik ilisimatitsiissutigineqariinngitsillugu. Pingaartumik inuit attaveqatigiittarfinni inuttut nammineq isummat aamma aningaasarsiornissamik oqariartuutit akulerussuussinnaasarput, taamaattumillu qaqugukkut inuttut isummat qaqugukkullu aningaasarsiornissamik siunertat pineqarnerisut paasinissai atuisartunut ajornakusoorsinnaasarpoq. Inuussutissarsiornermik

ingerlatallip aalajangertarpaa aningaasarsiorinissamik siunertaq qanoq ilisimatitsiissutigineqassanersoq, ilisimatitsiineq ersarikkallartillugu. Ima isumaqarpoq, tamanna pissasoq tiguisusaaq aningaasarsiorinissamik siunertaqartoqarnera pillugu ilisimatinneqarneratigut. Tamanna assersuutigalugu inuussutissarsiornermik ingerlatsisoq aningaasarsiorinissamik siunertaq pillugu atuagassiat avisillu pilerisaarutitut nalunaaqqutserneratigut toqqaannartumik ilisimatitsiineratigut pisinnaavoq, tassaasartummi nioqqutitut aaliangersimasunut pilerisaarutit.

Inuussutissarsiornermik ingerlatallip, ussassaarummut pineqartumut akisussaasup, aningaasarsiorinissamik siunertap ilisimatitsiissutiginiissaa pisussaaffigaa. Assersuutigalugu inuussutissarsiornermik ingerlatallip inuinnaq akilerlugu imaluunniit inuinnaq allanik iluaqutissanik tunillugu inuussutissarsiornermik ingerlatallip nioqqutaanik eqqartutitsiguni imaluunniit arlaatigut tuniniaanissamik nittarsaassititsiguni inuussutissarsiornermik ingerlatallip qulakkiissavaa tuniniaanissamik nittartaassinerup pineqarnera, imaluunniit nioqqutip eqqartornissaanut inuk akilerneqarsimanera imaluunniit allanik iluaqutissanik pisimanera ersarissumik takuneqarsinnaanissaa. Inuussutissarsiornermik ingerlatallip periarfissaasinnaasut atorlugit aningaasarsiorinissamik siunertaata ilisimatitsiissutiginiissaanut qulakkeerinnissimaguni, taamaattorli tamanna pinngippat, aallaaviusumik inuussutissarsiornermik ingerlatalik akisussaasuunaviannngilaq.

Nr. 2-mut

Tuniniaanissamik nittarsaassisarnermut inatsimmi aalajangersakkami atuuttumi § 9, imm. 3-mi allassimavoq, tuniniaanissamik nittarsaassineq meeqqanut inuusuttunullu 18-it inorlugit ukiulinnut sammitinneqartoq aanngajaarniutinik, ilanngullugu imigassanik aalakoorartortalinnik, eqqartuinerinik, assilisanik imaluunniit innersuussutinik imaqartinneqassanngitsoq.

Siunnersuutigineqarpoq § 9, imm. 3 allannngortinneqassasoq, taamaasilluni aalajangersakkami nioqqutit meeqqanut inuusuttunullu 18-it inorlugit ukiulinnut naleqqutinngitsut ilanngunneqarniassammata.

Aalajangersakkami siunnersuutigineqartumi assersuutigalugu nioqqutit ulorianartut, tassannga nioqqutit timimut ulorianarsinnaasutut nalilerneqarnikut (assersuutigalugu nioqqutit peqqissutsimut ajoqutaasut, imaluunniit nioqqutit atornerini isumannaassusermut aarlerinaateqartitsisinnaasut) imaluunniit meeqqat inuusuttullu 18-it inorlugit ukiullit sianissusaanut ajoqutaasinnaasut tuniniaanissamik nittarsaanneqarsinnaaneri inerteqqutaalissapput.

Nioqqut meeqqanut inuusuttunullu 18-it inorlugit ukiulinnut naleqqutinnginneris pillugu naliliinermi siullertut nioqqut imaluunniit suliaq inatsit naapertorlugu meeqqanut inuusuttunullu 18-it inorlugit ukiulinnut tuniniarneqarsinnaannginneris tunngavilersuutigineqassaaq. Tamassuma saniatigut timikkut suliaritinnerit nakorsartinnermik tunngavilerneqanngitsut, tassannga pilatsilluni imaluunniit ataavartumik atugassamik kusassartinnerit tunngaviliunneqarsinnaapput. Assersuutigalugu kakiorderit, kusarnarsarnermut tunngatillugu pilattaanerit, tassani amerimmi aamma ameq allermi

pilattaanerit, assersuutigalugu orsukillisartinnerit, ikkussiffigitinnerit, qingakut pilatsinnerit, kinguaassiuutitigut pilatsinnerit, nioqqutit/suliat kapitinnikkut pisartut soorlu fillers aamma botox, kigutininik qaqorsaanerit imaluunniit mequujartinnerit nittarsaannissai inerteqqutaassapput. Tamassuma saniatigut tunngaviliunneqassaaq nioqqutip timimut sunniisarnerata imaluunniit ukiukitsut sianissutsimigut peqqissusaanut naleqqutinnngitsumik sunniisarnerata ilisimaneqarnera, imaluunniit nioqqutit meeqqanut inuusuttunullu 18-it inorlugit ukiulinnit pineqannginnissaanut oqartussat inassuteqarfigisimasai pineqarnersut. Assersuutigalugu palersaatit, energidrikkit aamma sanigorsaatit taakununnga ilaapput. Tamassuma saniatigut nioqqutit akiliilluni atoqatigiinnermut tunngassuteqartunik nioqqutit pineqarnersut, imaluunniit akissarsisitsilluni sullississutit atoqatigiinnermik peqatigiinnerit pineqarnersut tunngaviliunneqarsinnaapput, tassannga aamma “sugardating” ilaavoq.

Tuniniaanissamik nittarsaassinerit meeqqanut inuusuttunullu 18-it inorlugit ukiulinnut saaffiginnittut pineqartillugit aalajangersagaq taamaallaat atuuppoq. Tamanna qanorluunniit meeqqat angallaffiini assersuutigalugu bussit unittarfiini il.il. tuniniaanissamut nittarsaassineq saqqumiffiini atuussaaq. Taamaattumik tamanut ammasuni inini inersimasunut nioqqutit suli pilerisaarutaasinnaapput, aatsaalli pilerisaarut kisiat taakkununnga saaffiginnippat. Pissutsilli piviusut kingunerisinnaavaa inuussutissarsiornermik ingerlatallit tuniniaanissamik nittarsaassinerat aamma meeqqanut inuusuttunullu saaffiginnittutut isigineqarsinnaalertarneri, naak taakku pingaarnertut nittarsaaffigineqanngikkaluartut.

Assersuutigalugu meeqqanut inuusuttunullu 18-it inorlugit ukiulinnut tuniniaanissamik nittarsaassinerit atuussapput inuussutissarsiornermik ingerlatallip nammineq nittartagaanniippata, imaluunniit nittartakkami tuniniaanissamik nittarsaassinerit imaluunniit nittartakkami nioqqutit qitiusut meeqqanut inuusuttunullu saaffiginnippata. Pisiniarfik toqqaannartumik aaliangersimasumillu meeqqanut inuusuttunullu pingaarnertut saaffiginnikkuni, assersuutigalugu pinnguaarniarfik, pisiniarfimmi tuniniaanissamik nittarsaassinerit tamarmik taakkununnga saaffiginnittutut nalinginnaasumik isigineqassaapput.

Aalajangersakkat malillugit inuussutissarsiornermik ingerlatallinnut inunntut inatsisitigullu pisinnaatitaasunut pisussaataasunullu tuniniaanissamik nittarsaassinerimik pineqartumut suliaqartunut akisussaaffik tussinnaavoq. Assersuutigalugu suliffeqarfiusinnaavoq pilerisaarummut inniminniisimallunilu akiliinikoq, aamma pilerisaarutininik suliffeqarfik pilerisaarummik ilusilersiullunilu ikkussinikoq.

Aalajangersakkami unioqqutitsinerimik tuniniaanissamik nittarsaassisarnermut inatsimmi atuuttumi § 39, imm. 1 naapertorlugu pineqaatissiisoqarsinnaavoq. Aalajangersakkami unioqqutitsinerit akileeqqusissummik pineqaatissinneqartassapput.

Aalajangersakkami unioqqutitsinerimik pineqaatissiiniarnermut qanoq iliuuseqarsimanerimut piumasaqaatit tassaapput mianersuaalliorneq aamma piaarineq.

Nr. 3-mut

§ 9, imm. 4-mut.

§ 9, imm. 4 siunnersuutigineqartup imaraa, inuit attaveqaqatigiittarfiini profil-imi meeqqaniit inuusuttuniillu 15-it inorlugit ukiulinniit pigineqartuni imaluunniit pigineqartutut isikkoqartuni meeqqanut inuusuttunullu 18-it inorlugit ukiulinnut saaffiginnittunik profil-imi imaluunniit profil-it aqutigalugit tuniniaanissamik nittarsaassisoqaqqusaanngitsoq.

Assersuutigalugu meeqqat inuusuttullu 15-it inorlugit ukiullit inuit attaveqaqatigiittarfiini profil-it pigisaanni imaluunniit pigerpasitaanni nioqqutimik pilerisaarinissaq inerteqqutaavoq, tuniniaanissamik nittarsaassineq meeqqanut inuusuttunullu 18-it inorlugit ukiulinnut saaffiginnippat.

Assersuutigalugu nittarsaassineq meeqqanut inuusuttunullu 18-it inorlugit ukiulinnut saaffiginnitsillugu, meeraq imaluunniit inuusuttoq 15-it inorlugit ukiulinnut ilaasoq imaluunniit isikkulinnut ilaasoq atorlugu inuussutissarsiornermik ingerlatalik nammeneq nioqqutiminik profilimi immaluunniit profil-i aqutigalugu pilerisaareqqusaassanngilaq.

Aalangersakkami ilaapput, tuniniaassamik nittarsaassinerit profil-imi pippata, aamma tuniniaanissamik nittarsaassinerit profil-i aqutigalugu pippata. Pisuni assersuutigalugu profil-imi nittartakkamut tuniniaanissamik nittarsaassinerup sumiiffianut link-eqarpat.

Taaguummi inuit attaveqaqatigiittarfiini internetimi teknologi aamma kiffartuutit assigiinngitsorpassuit ilaapput. Inuit attaveqaqatigiittarfiini assersuutigalugu internetimi sumiiffiit imarisai atuisuniit piliarineqartarput, tassani atuisut assersuutigalugu allaqatigiissinnaallutik, assinik, videonik nipinillu avitseqatiginissinnaallutik. Profil-i meeqqamit imaluunniit inuusuttumit 15-it inorlugit ukiulimmit pigineqarnersoq imaluunniit pigineqartutut isikkoqarnersoq nalileqarnera apeqqutaavoq. Naliliinermi taamaattumi profil-imi takuneqarsinnaasuni imarisat, tassannga aamma assit paasissutissallu il.il. suunersut naliliinermi tunngaviliunneqartassapput. Profil-i assersuutigalugu meeqqamit imaluunniit inuusuttumit 15-it inorlugit ukiulimmit pigineqartutut isikkoqarsinnaavoq, profil-i angajoqqaaniit aqunneqarpat.

§ 9, imm. 5-imut

§ 9, imm. 5-imut siunnersuutigineqarpoq, inuit attaveqaqatigiittarfiini tuniniaanissamik nittarsaassinerni meeqqanut inuusuttunullu 18-it inorlugit ukiulinnut saaffiginnittuni, meeqqat 15-it inorlugit ukiullit atorneqaqqusaassanngitsut, atorneqarneq assiliartalersuineri imaluunniit nioqqutimik takutitsineri pissusissamisoortumik atassuteqartinnagu.

Assersuutigalugu tuniniaanissamik nittarsaassineq meeqqanut inuusuttunullu saaffiginnippat, inuussutissarsiornermik ingerlatallip inuit attaveqaqatigiittarfiini nammeneq profil-imini tuniniaanissamik nittarsaassineri meeqqat inuusuttullu 15-it inorlugit ukiulinnik atuinissaa inerteqqutaassaaq, atorneqarneri pissusissamisoortumik atatillugu nioqqutimik assiliartaliinanilu takutitsinngippat.

Tuniniaanissamik nittarsaassineri meeqqat imaluunniit inuusuttut 15-it inorlugit ukiullit atorneqarneri pissusissamisoornersoq suliami aalajangersimasumi naliliinermi apeqqutaassaaq. Assersuutigalugu tuniniaanissamik nittarsaassineri meeqqat atorneqarneri

pissusissamisussaaq meeqqat atisaanik, kamiinik imaluunniit pinnguaanik takutitsiniarnermi.

Aammattaaq aalajangersagaq meeqqanik inuusuttunillu 15-it inorlugit ukiulinnik takusassianik atuineramik inerteqqusiivoq. Taaguutip ”takusassiat” Kalaallit Nunaanni pinerluttulerinermi inatsimmi § 85, imm. 1-imi isumaa assigaa, tassaallunilu inuk piviusoq assigalugu imaluunniit assigingajallugu piviusorpalaartutut assilisat. Taamaasilluni qarasaasiaq atorlugu imaluunniit AI atorlugu piviusorpalaartumik inunnik 15-it inorlugit ukioqarpasittunik atuineq aalajangersakkami ilaassaaq.

Aalajangersakkami unioqqutitsinermi akisussaasinnaasut tassaapput, tuniniaanissamik nittartaassinermut atuuttumut suliarinnittut inuussutissarsiornermik ingerlatallit inuit aamma inatsisitigut pisinnaatitaasut pisussaataasullu. Suliffeqarfiup ussassaarutaata saniatigut pissutsit malillugit, assersuutigalugu meeqqamut imaluunniit inuusuttumut 15-it inorlugit ukiulimmut angajoqqaajusinnaapput, angajoqqaat suliffeqarfimmut isumaqatigiissuteqarnerata kingorna meeraq imaluunniit inuusuttoq 15-it inorlugit ukiulik suliffeqarfimmut ussassaarutiortillugu.

Aalajangersakkamik unioqqutitsisoqartillugu tuniniaanissamik nittarsaassisarnermut inatsit maanna atuuttumi § 39 assigalugu pineqaatissiisoqarsinnaavoq. Aalajangersakkami unioqqutitsinermi akileeqqusissummik pineqaatissiisoqassaaq.

Aalajangersakkami unioqqutitsinermi pineqaatissiiniarnermut qanoq iliuuseqarsimanermut piumasaqaatit tassaapput mianersuaalliorneq aamma piaarineq.

§ 9, imm. 6-imut

Siunnersuutigineqassaaq § 9, imm. 6, Naalakkersuisut nioqqutinut § 9, imm. 3-mi allannguutinut ilaatinneqartunut malittarisassanik erseqqinnerusumik aalajangersaanissaminnut periarfissiisoq, ikkunneqassasoq. Aalajangiissutip nioqqutit nutaat ineriartorneqarnerini unammillernartut nutaat malillugit aalajangiissutip attuuffeqarfiani malittarisassat amerlanerusut aalajangersarneqarsinnaanerata qulakkiissavaa.

Imm. 6 malillugu inatsisinik aalajangersaanerup nioqqut naleqqutinngitsutut nalilerneqarsinnaanissaanut piumasaqaatinngilaa. Tunissiat suussusaanut tunngatillugu allaffissornikkut sulisaaseq aaliangersimasoq inatsisinik naleqquttunik atulersitsinermik malitseqassasoq naatsorsuutigineqarsinnaavoq, periaaseq tamanna ammasumik suleriaaseqarnermik pilersitsisarmat, aamma allaffissornerup pisaasiata pitsaasuunissaanut tamanna naleqqulluinnarmat.

Nr. 4-mut

§ 9 malillugu siunnersuutigineqarpoq ima qulequtserneqassasoq ”Akiligassarsisitsinissamut isumaqatigiissutit aamma taarsigassiisartut aaliangersimasut tuniniaanissamik nittarsaassisarnissaanut inerteqqut”. Akiligassarsisitsinissamut isumaqatigiissutit taarsigassiisartullu ilaat tuniniaanissamik nittarsaassisarnerisa inerteqqutaalernissaanut siunnersuummut naapertorlugu qulequtaq inissinneqarnissaa siunnersuutigineqarpoq.

Nr. 5-imut

§ 9 a, imm. 1-imut

§ 9 a, imm. 1-imu siunnersuutigineqarpoq, taarsigassiisartoq atuisartunut akiligassarsisitsinissamut 25 procentimik annerusumilluuniit ukiumut aningaasartuutilinnik tuniniaappat, atuisartunut akiligassarsisitsinissamut isumaqatigiissutinik tuniniaanissamik nittarsaassineq inerteqqutaavoq, taamaattorli tak. imm. 2 aamma 3.

Inuussutissarsiorneq siunertaralugu iliuuserineqartut atuisartunut akiligassarsisitsinernit tunisinerup siuarsarnissaanut siunertallit suulluuniit pineqartillugit inerteqqut atuutissaaq. Atuisartunut akiligassarsisitsinissamut tuniniaanissamik nittarsaassinnermut inerteqqut atassuteqarpoq, imminermini taarsigassarsisitsisartumut atassuteqarani. Taamaalilluni taarsigassarsisitsisartoq assersuutigalugu atini, assiliaq ilisarnaatini, allallu ilisarnaatit taarsigassarsisitsisartup kinaassusaanik takutitsisut sulit tuniniaanissamik nittarsarsinnaavai. Tuniniaanissamik nittarsaassineq atuisartunut akiligassarsisitsinissamik kajumissaarummik imaqarpat, atuisartunut akiligassarsisitsinissamik tuniniaanissamik nittarsaassinerussaaq. Atuisartunut akiligassarsisitsinissamut tuniniaanissamik nittarsaassineq kajumissaarummik qanoq imaqartiginersoq naliliinnermi apeqqutaassaaq.

Akiligassiissutinik isumaqatigiissutit isumaqatigiissutitut nassuiaaserneqarput, akiliinissamut kinguartitsigallarnissamut, taarsigasassarsinissamut imaluunniit assingusumik aningaasaqarnikkut aaqqiissuteqarnissamut suliffeqarfik atuisartunut akiligassiissutinik tunniussineratigut imaluunniit tunniussinissaminut neriorsuineratigut isumaqatigiissutisierineqartartut, tassani kiffartuussissutinik imaluunniit nioqqutinik assigijaaqanik ingerlaavartumik tigusaqartarnermi atuisartoq taakkunannga tiguisartillugu kiffartuussissutinut imaluunniit nioqqutinut akilersuinissaminut isumaqatigiissutigineqartartut minillugit. Taaguummi akiligassarsisitsinissamut isumaqatigiissummi akiligassarsisitsinissamut isumaqatigiissutit aalajangersimasumik akilerneqarfissaanik sivilissusillit aamma akiligassarsisitsinissamut isumaqatigiissutit nikerartumik akilerneqarfissaanik sivilissusillit, assersuutigalugu karsimi akiitsornerit, ilaapput. Qularnaveeqqusiussaqarnikkut akiligassarsisitsinissamut isumaqatigiissutit qulakkeerneqarsimasut, soorlu biilinnik aamma umiatsiamik taarsigassarsinnermi, aamma nassuiasersuinnermi ilaapput.

Atuisartoq inuit ataasiakkaatut imaluunniit inatsisitigut pisinnaatitaasutut pisussaataasutullu, inuussutissarsiummi avataatigut annerusumik niuertartutut nassuiarneqartarpoq.

Taarsigassarsisitsisoq inuussutissarsiornermik ingerlataqartuuvuq, Kalaallit Nunaanni atuisartunut, matumani atortariaqakkanut taarsigassarsiniartitsineq pillugu sulliviit aningaaseriviillu ilanngullugit akiligassarsisitsinissamut isumaqatigiissutinik neqerooruteqartarpoq.

Taarsigassiisartoq inerteqqummut ilaanersoq pillugu aalajangiisuusartoq tassaavoq, taarsigassiisartoq ukiumut 25 procentimik imaluunniit annerusumik aningaasartuutitalinnik

atuisartunut akiligassarsitsinissamik tuniniaasarnersoq. Tamanna isumaqarpoq, taarsigassiisartoq suliffeqarfiup nioqqutaani 25 procentimik imaluunniit annerusumik aningaasartuutitalinnik atuisartunut akiligassiisartillugu inerteqqut atuuttartoq.

Ukiumoortumik aningaasartuutit procentinngornerat ima paasineqassaaq akiligassanngortitap nalinga tamakkiisoq aallaavigalugu, akiligassarsitsinissamut isumaqatigiissummi aningaasartuutit tamakkiisut ukiumoortunngorlugit procentinngornerat.

Inerteqqutip imarivaa, taarsigassiisartoq ukiumut 25 procentimik imaluunniit annerusumik aningaasartuutitalimmik atuisartunut akiligassiisarnermik ataasiinnarmilluunniit tuniniaappat, atuisartunut akiligassiissutinik isumaqatigiissutinik arlaanaannilluunniit suliffeqarfik tuniniaanissamik nittarsaassisinnaassassanngilaq, procentitigut ukiumut aningaasartuutit qanorluunniit ikkaluarpata. Taamaattorli taarsigassiisartoq atuisartunut akiligassiissutinik isumaqatigiissutinik ukiumut 25 procentimiit minnerusumik aningaasartuutitalinnik taamaallaat tuniniaasarpata, inerteqqut tassannga atuunnavianngilaq, taamaasillutik atuisartunut akiligassiissutit isumaqatigiissutit tamaasa pigisatik qanorluunniit tuniniaanissamik nittarsaassinnaavaat, taamaattorli tak. § 9 b.

Inuussutissarsiornermik ingerlataqartut, inuit kiisalu inatsisitigut pisinnaatitaasut, matumani akiligassanngortitsisartut (kreditgiver) akiligassanngortitsisussamullu innersuussisartut (kreditformidler) ilanngullugit inerteqqummut ilaatinneqarput. Taamaasilluni “influencer” aamma aningaasanik atorniarnissamut niuerfiit (låneplatform) aamma ilaatinneqassapput.

Inerteqqut sumiluunniit atuussaaq, tuniniaanissamik nittarsaassineq tusagassiummi sorlermiluunniit pigaluarpat, taamaattorli pisiassamut aalajangersimasunut akiitsorneq pillugu imm. 3-mi siunnersuutigineqartumi ilanngunneqanngitsut naleqqiukkit. Assersuutigalugu tuniniaanissamik nittarsaassineq internet aqqutigalugu peqqusaanngilaq, tassannga aamma inuit attaveqatigiittarfiini imaluunniit app-ini, tv-mi, radiomi aamma tusagassiuutini naqinneqarsimasuni, allagartani, aamma skærm-ini digitaliusuni tamat iserffigisinnaasaanni, tamat angallaffiini, suliffeqarfiit igalaavini imaluunniit inuinnaat illuisa isuini assigisaanilu peqqusaanngillat.

Kalaallit Nunaanni imaluunniit Kalaallit Nunaannut tunngasumik annertuumik aningaasartuutilerlugu atuisartunut akiligassarsitsinissamut isumaqatigiissutinik ingasattumik tuniniaanissamik nittarsaassinissamik periarfissaq killilerniarlugu tuniniaanissamik nittarsaassisarnermik inerteqqutip atuutlernissaa siunnersuutigineqarpoq. Inerteqquteqarneq atuisartut annertuumik aningaasartuutilerlugit atuisartunut akiligassarsitsinissamut isumaqatigiissusiornissaminnik sunnertinneqarsimallutik isumaqatigiissusiorlutik qaangersinnaanngisaminnik akiitsoqalersinnaasut ikilisinnissaanik ikorfartuussissaaq.

Inerteqqummut unioqqutitsinermi akileeqqusisummik pineqaatissiisoqarsinnaassaaq.

§ 9 a, imm. 2-mut

§ 9 a, imm. 2-mi siunnersuutigineqarpoq, ineqarneq pillugu akiligassarsitsinissamut isumaqatigiissutinik tuniniaanissamik nittarsaassinermi imm. 1 atuutissanngitsoq.

Ineqarneq pillugu akiligassarsisitsinissamut isumaqatigiissutit isumaqatigiissutitut nassuiaaserneqarput, qularnaveeqqusiussaqaarnikkut imaluunniit allatigut pigisamik aalaakkaasumik najukkamik qulanaveeqqusernikkut, imaluunniit pigisanik aalaakkaasunut najukkanut atatillugu pisinnaatitaaffimmik allamik qularnaveeqqusernikkut, taarsigassarsisussamut akiligassarsisitsinissamik akiligassarsisitsisup tunniussineratigut imaluunniit tunniussinissaminut neriorsuineratigut, imaluunniit akiligassarsisitsinissamut isumaqatigiissutit nunaminertanik imaluunniit illunik pioreersunik pilersaarutaasunilluunniit piginnittussaataalernissamut piginnittussaataaginnarnissamulluunniit taarsigassarsisusaaq siunertaqartillugu akiligassarsisitsisup tunniussineratigut imaluunniit tunniussinissaminut neriorsuineratigut akiligassarsiguni. Assersuutigalugu realkredit-imik taarsigassarsinerusinnaavoq.

Akiligassarsisitsinissamut isumaqatigiissut nammineq pigisanut qularnaveerusiamik allagartamik isumannaarneqarsimappat, imaluunniit piginneqatigiilluni inissianik atuisinnaanermut pisinnaatitaaffimmik isumannaarneqarsimappat, taava inerteqqummik aalajangersagaq atuutissanngilaq. Kisiannili akiligassarsisitsinissamut isumaqatigiissut biilini, snescooterinik imaluunniit umiatsianik qularnaveerusiamik isumannaarneqarsimappat, taava inerteqqut atuutissaaq.

§ 9 a, imm. 3, nr. 1-mut

§ 9 a, imm. 3, nr. 1-mi siunnersuutigineqarpoq, atuisunut akiligassiissutini isumaqatigiissutit atuisartunut taarsigassiisartut namminneq niuertarfianni, assersuutigalugu bankip nammineq inaani, tuniniaanissamik nittarsaassinerit imm. 1-mi atuutissanngitsut.

Niuertarfiup sumiiffia ima paasineqassaaq inuussutissarsiornermik ingerlataqartup atugassanik pisiniarfimmi (detailvirksomhed) aalakkasumi suliaminik ingerlatsivia, imaluunniit inuussutissarsiornermik ingerlataqartup atugassanik pisiniarfimmi (detailvirksomhed) aalakkaanngitsumi nalinginnaasumik suliaminik ingerlatsivia. Taamaasilluni taarsigassiisup niuertarfittut inimini tuniniaanissamik nittarsaasseqqusaavoq, kisiannili assersuutigulu niuertarfiup illuata isuani imaluunniit biilini uninngatitsiviani taamaalioqqusaanani.

Naak § 9 a, imm. 1-mi inerteqqut taarsigassiisumut atuukkaluartoq, suliffeqarfik suliffeqarfiup atuisartunut akiligassiissutini isumaqatigiissutai, qanorluunniit procentitigut ukiumut aningaasartuuteqaraluarpata, suliffeqarfiup sumiiffiani tuniniaanissamik nittarsaassinnaassavai. Tassannga eqqumaffiginiaqquneqarpoq, § 9 a, imm. 1-mi inerteqqut pingaarnertut malittarisassaammat, imm. 3, nr. 1-ilu taamaallaat pingaarnertut malittarisassamut atuutsinneqanngitsumik imaqarmat. Taamaattumik atuisartunut taarsigassiisartoq tuniniaanissamik nittarsaassisarnermut inerteqqummut ilaasoq, atuisartunut akiligassiissutini isumaqatigiissutini taamaallaat taarsigassiisartup niuertarfiani tuniniaanissamik nittarsaassinnaavai.

§ 9 a, imm. 3, nr. 2-mut

§ 9 a, imm. 3, nr. 2-mi siunnersuutigineqarpoq, atuisartunut taarsigassiisartup nittartagaani

atuisartunut akiligassiissutini isumaqatigiissutit tuniniaanissamik nittarsaannerini imm. 1 atuuttassanngitsoq. Assersuutigalugu bankip nammineq nittartagaanni.

Taamaasilluni taarsigassiisoq nittartakkamini tuniniaanissamik nittarsasseqqusaavoq, tassaniillu atuisartoq akiligassarsisitsinissamut isumaqatigiissusiorsinnaavoq, kisiannili internetsimi nittartakkani allani ussassaarutitut imaluunniit allatigut tuniniaanissamik nittarsasseqqusaanani.

Taarsigassiisartoq inuit attaveqaqatigiittarfiini profil-eqaruni imaluunniit qupperneqaruni tamanna taarsigassiisartup nammineq nittartagaatut isigineqarnaviannigilaq. Taamaattumik inuit attaveqaqatigiittarfiini tuniniaanissamik nittarsaassinerup ilaatitsinnginneqarnera atuutsinngilaq, naak taarsigassiisartoq taakkunani profil-eqaraluarpalluunniit.

Naak § 9 a, imm. 1-imi inerteqqut taarsigassiisartumut atuukkaluartoq, suliffeqarfik suli suliffeqarfiup atuisartunut akiligassiissutini isumaqatigiissutini taarsigassiisartup nittartagaanni imaluunniit ungasianiit tuniniaanermi aaqqissuussinermi atorneqartumi tuniniaanissamik nittarsaassinnaavai, qanorluunniit ukiumoortumik aningaasartuutit procentinngornerat ikkaluarpat. Tassannga maluginiaqquneqarpoq, § 9 a, imm. 1 pingaarnertut malittarisassaavoq, imm. 3, nr. 2-lu taamaallaat pingaarnertut malittarisassamut ilaatitsinnginnermik imaqarluni. Taamaattumik tuniniaanissamik nittarsaassinermut inerteqqut taarsigassiisartumut atuutillugu, atuisartunut akiligassiissutini isumaqatigiissutini imm. 3, nr. 2-mi pisuni sumiiffilu taaneqartuni taamaallaat tuniniaanissamik nittarsaassinnaavai.

§ 9 a, imm. 3, nr. 3

§ 9 a, imm. 3, nr. 3-mi siunnersuutigineqarpoq, atuisartunut taarsigassiisartup qarasaasiaqarnikkut atortorissaarutitigut ungasianiit tuniniaanermi, taarsigassarsisup ingerlataanni, atuisartunut akiligassiissutini isumaqatigiissutit tuniniaanissamik nittarsaannerini imm. 1 atuuttassanngitsoq. Assersuutigalugu bankip nammineq mobilapp-iani.

Taarsigassiisartup ungasianiit tuniniaanissaminut aaqqissuussaani tuniniaanissamik nittarsaassisoqarsinnaavoq, tamanna taarsigassiisartumiit ingerlanneqarpat. Tassani assersuutaasinnaavoq, taarsigassiisartup nammineq app-ia atuisartup atuisartunut akiligassarsisitsinissamut isumaqatigiissusiordfigisinnaasaani. Taamaattoqartillugu app-imi atuisartunut akiligassarsisitsinissamut isumaqatigiissummik tuniniaanissamik nittarsaassisoqarsinnaavoq. Taamaasilluni niuertarfiup najugaannaani imaluunniit nittartagaannaani tuniniaanissamik nittarsaassineq killilersorneqanngilaq, kisianni taarsigassiisartup ungasianiit tuniniaanissaminut aaqqissuussinermi, tassanngaanniit atuisartup atuisartunut akiligassarsisitsinissamut isumaqatigiissuteqarnissamik qinnuteqarfigisinnaasaani, tuniniaanissamik nittarsaassisoqarsinnaavoq. Kisiannili assersuutigalugu aviisini neqeroorutitigut imaluunniit nittartagaq naleqqiussisarfutigut atuisartunut akiligassarsisitsinissamut isumaqatigiissutini tuniniaanerit taarsigassiisartumiit ingerlanneqartumik ungasianiit tuniniaanissaminut aaqqissuussinertut isigineqanngillat.

Naak § 9 a, imm. 1-imi inerteqqut taarsigassiisartumut atuukkaluartoq, suliffeqarfik suli suliffeqarfiup atuisartunut akiligassiissutini isumaqatigiissutini ungasianiit tuniniaanermi

aaqqissuussinermi atorneqartumi tuniniaanissamik nittarsaassinnaavai, qanorluunniit ukiumoortumik aningaasartuutit procentinngornerat ikkaluarpat. Tassannga maluginiaqquneqarpoq, § 9 a, imm. 1 pingaarnertut malittarisassaavoq, imm. 3, nr. 3-lu taamaallaat pingaarnertut malittarisassamut ilaatitsinnginnermik imaqlarluni. Taamaattumik tuniniaanissamik nittarsaassinermut inerteqqut taarsigassiisartumut atuutillugu, atuisartunut akiligassiisutiniq isumaqatigiissutini imm. 3, nr. 2-mi pisuni sumiiffilu taaneqartuni taamaallaat tuniniaanissamik nittarsaassinnaavai.

§ 9 a, imm. 3, nr. 4, litra a-c-mut

Akiligassarsiassaq tigussaasumik pisinermi imaluunniit sullissinermik pisinermi, tamatumunngalu, pisiap nalinga imaluunniit pisiap nalingata ilaannaa akiliinngikkallarnissaa pillugu pisisup tuniniaasullu akorniminni isumaqatigiissutigisimanerat tunuliaqutigalugu, imaluunniit pisisup tuniniaasullu akorniminni pisiap nalinga tamakkerlugu imaluunniit ilaannaa suliami peqataasinnaasumik avataaneersumit aningaasanik atorniarnermik isumaqatigiissutigisimanerat tunuliaqutigalugu matussuserneqarsimappat, imm. 1-imi atuisartunut akiligassarsisitsinissamut isumaqatigiissutiniq tuniniaaneq atuutissannginnera § 9, imm. 3, nr. 4 litra a-mi siunnersuutigineqarpoq. Assersuutigineqarsinnaavoq, umiatsianik tuniniaasartoq atuisartumut pisiap nalinganik akiliinngikkallartitsippat, imaluunniit taarsigassiisartoq suleqatigalugu umiatsiamik pisinerup akilernissaa pillugu neqeroorteqarsimappat.

Nioqqut imaluunniit kiffartuussut aalajangersimasooq pineqassaaq, tassa pisiassanut aalajangersimasunut akiitsornermut tunngasut. Akiligassarsinissamut periarfissat, nioqqutitut kiffartuussissutinullu akiliinissamut kinguartitsigallarnermut periarfissaasut, tuniniaanissamik nittarsaaqqusaassanngillat.

Tassani nioqqutitut imaluunniit kiffartuussinernut aalajangersimasunut tuniniaasup aningaasalersuineq, imaluunniit suliami peqataasup avataaneersup aningaasalersuineq pineqarput. Atugassanik pisiniarfiit (detailvirksomhed) akiitsorluni pisinermi aningaasaliinissaminut neqeroortartut, aamma atugassanik pisiniarfiit akiitsorluni pisinermi suliami peqataasooq avataaneersooq atorlugu, soorlu aningaaserivik suleqatigalugu aningaasaliinissaminut neqeroortartut atuussinnaanngortinneqarput.

Litra a-mi piumasaqaatip saniatigut, litra b-mi aamma c-mi piumasaqaatit immersorneqassapput, § 9 a, imm. 3, nr. 4-mi ilaatitsinnginneq atuutsilernissaanut.

§ 9 a, imm. 3, nr. 4, litra b-imi siunnersuutigineqassaaq, nioqqut imaluunniit kiffartuussissut aalajangersimasooq akiitsulerlugu pisinarinissaanut neqeroortutigineqarpat, tamatumunngalu tuniniaasup niuerfittut sumiiffiani, nittartagaani imaluunniit ungasianiit tuniniaanissamut aaqqiissutaa tuniniaasumiit ingerlanneqartumi atuisartunut akiligassarsisitsinissamut isumaqatigiissutiniq tuniniaanissamik nittarsaassippat, atuisartunut akiligassarsisitsinissamut isumaqatigiissutiniq tuniniaanissamik nittarsaassisoqartillugu imm. 1 atuutissanngitsoq.

§ 9 a, imm. 3, nr. 4-mi ilaatitsinnginneq atuutsinneqassappat, taava litra b-mi piumasaqaatip saniatigut litra a-mi aamma c-mi piumasaqaatit eqquutsinneqassapput.

§ 9 a, imm. 3, nr. 4, litra c-imi siunnersuutigineqarpoq, nioqqut imaluunniit kiffartuussissut aalajangersimasooq akiitsulerlugu pisiarinissaanut neqeroorutigineqarpat, tamatumunngalu nioqqutip imaluunniit kiffartuussutip aningaasanngorlugu akiliutip nalinga ilisimatitsissuteqarnermut atatillugu tuniniaanissamik nittarsaassisoqarpat, atuisartunut akiligassarsisitsinissamut isumaqatigiissutinik tuniniaanissamik nittarsaassisoqartillugu imm. 1 atuutissanngitsooq.

Akiligassarsinissamut periarfissat, nioqqutitut kiffartuussissutinullu akiliinissamut kinguartitsigallarnermut periarfissaasut, tuniniaanissamik nittarsaaqqusaassanngillat. Nioqqutip imaluunniit kiffartuussutip pisiarinerani akilimmik aningaasalersuinissamik neqerooruteqarmermi aningaasartuutit naleqqiunnissaanut atuisartoq periarfissaqassaaq.

§ 9 a, imm. 1-imi inerteqqut atuukkaluartoq, litra a-c-imi piunasaqaatit naammassineqarnerini nioqqut imaluunniit kiffartuussut aalajangersimasooq pisiarinissaanut akiitsut neqeroorneqarpat, ukiumoortumik aningaasartuutit procentinngornerat apeqqutaatinnagit atuisartunut akiligassarsisitsinissamut isumaqatigiissutit tuniniaanissamik nittarsaassisoqaaqusaavoq. Tassunga atatillugu maluginiaqquneqassaaq §9 a, imm. 1 siullertut malittarisassaasooq, § 9 a, imm. 1, nr. 4-lu siullertut malittarisassamut ilaanngitsumik immikkoortumik malittarisassaartoq. Taamaattumik taarsigassarsisitsisooq, tuniniaanissamik nittarsaassisarnermut inatsimmi inerteqqutitut ilaasooq, imm. 3, nr. 4-mi piffiit sumiiffiillu taaneqartunuinnaq atuisartunut akiligassarsisitsinissamut isumaqatigiissutini tuniniaanissamik nittarsaasseqqusaavoq.

§ 9 b, imm. 1-imut

Pinnguaatinik imaluunniit pinnguaatinik tuniniaasumik tuniniaanissamik nittarsaassinermut atatillugu, aningaaseriviit imaluunniit allat taarsigassiisartut, atuisartunut akiligassiissutinik isumaqatiginninnissamik tuniniaasartut, imminut nioqqutillu taarsigassarsiissutitik tuniniaanissamik nittarsaattarnerannut maannamut inatsisini atuuttuni inerteqquteqanngilaq.

§ 9 b, imm. 1-mi siunnersuutigineqarpoq, taarsigassiisartumiit, imaluunniit pinnguaatinik imaluunniit pinnguaatinik tuniniaasartunik tuniniaanissamik tunngatillugu atuisartunut akiligassarsisitsinissamut isumaqatigiissutinik nittarsaassinerit inerteqqutaassasut, taamaakkaluartoq imm. 2-4 naleqqiukkit.

Taarsigassiisartunik aamma atuisartunut akiligassiissutinik isumaqatigiissutinik tuniniaanissamik nittarsaassinernut sunulluunniit inerteqqut aallaaviusumik atuutissaaq. Tamanna isumaqarpoq, inuussutissarsiorneq siunertaralugu suulluunniit iliuuserineqartut, atuisartunut akiligassiissutinik isumaqatigiissutinik imaluunniit taarsigassiisartup suliffeqarfiata tunisisarneranut siuarsaanissamik siunertaqartunut inerteqqut atuutissasooq. Inerteqqutip imarivaa, assersuutigalugu taarsigassiisartut atimik, assiliamik ilisarnaatimik, allanillu ilisarnaatinik taarsigassiisartup suliffeqarfiata kinaassusaanik takutitsisinnaasut tuniniaanissamik nittarsaaqqusaassanngikkai, imaluunniit tuniniaanissamik nittarsaassineq pinnguaatinik imaluunniit pinnguaatinik tuniniaasunik tuniniaanermik nittarsaassinermut atatillugu tuniniaanermik nittarsaassineq pippat, atuisartunut akiligassiissutinik

isumaqatigiissutiniq tuniniaanissamik nittarsaaqqusaassanngikkai, ukiumoortumik aningaasartuutit procentinngortillugit qanorluunniit ikkaluarpata.

Sumiluunniit tuniniaanissamik nittarsaassisoqarnerseq apeqqutaatinnagu inerteqqut atuutissaaq. Assersuutigalugu internetsikkut, tamatumunnga ilanngullugu inuit attaveqarfiisigut imaluunniit app-ini, tv-kkut imaluunniit radiokkut, on-demand-ikkut, nittarsaassisarfiit naqitani, allagartalersuinikkut imaluunniit digitalimik skærmit tamanut ammasutigut, innuttaasunut angallatitigut, suliffeqarfiup igalaartaani imaluunniit nammineq pigisamik illup silataani assigisaanulluunniit aqutigalugit tuniniaanissamik nittarsaassisoqaaqusaanngilaq.

Inerteqqut atuutissanersooq pillugu aalajangiisuusussaq tassaavoq, pinnguaatinik imaluunniit pinnguaatinik tuniniaasunik tuniniaanissamik nittarsaassinermut atatillugu, taarsigassiisartumik imaluunniit atuisartunut akiligassiissutiniq isumaqatigiissutiniq tuniniaanissamik nittarsaassinertut pinersut. Tamatuma nalilernerqarnera apeqqutaassaaq. Assersuutigalugu ataatsimoortumik ussassaarutini, soorlu aallakaatitassamut aningaasaliisutut imaluunniit tunisassiamik inissiinertut tuniniaanissamik nittarsaassinermi atuutissaaq. Aallakaatitassat arlallit ataqatigiissaartut tassunga atatillugu ataatsimoorlugit isigineqassapput. Aallakaatitassamut aallarniissutini taarsigassiisartunik aamma atuisartunut akiligassiissutiniq isumaqatigiissutiniq tuniniaanissamik nittarsaassinernik pinnguaatiniit pinnguaatinillu tuniniaasartuniit aningaasaliiffigineqarnikunik, imaluunniit pinnguaatinik pinnguaatinillu tuniniaasartunik tuniniaanissamik nittarsaassinermik ataatsimoortumik ussassaarutiniq imalinnik ussassaaruteqarneq inerteqqutaavoq.

Kisianni pinnguaatinik pinnguaatinillu tuniniaasartunik tuniniaanissamik nittarsaassinermut atatillugu taarsigassiisartunik aamma atuisartunut akiligassiissutiniq isumaqatigiissutiniq tuniniaanissamik nittarsaassinertut isigineqarnavianngilaq, assersuutigalugu aningaaseriviup inaata igalaavata eqqaani bussit unittarfiani allagartami pinnguaatinik ussassaarisoqartillugu, aningaaseriviup inaata igalaani ilisarnaateqarpat, akiligassiissutiniq isumaqatigiissutiniq ussassaaruteqarpat imaluunniit assingusumik peqarpat. Tamanna aamma atuutissaaq, taarsigassiisartoq atuisartunut akiligassiissutiniq isumaqatigiissuteqarnissamik periarfissanik arsaattoqarnissaaq sioqqullugu tv-kkut tuniniaanissamik nittarsaassisoq, naak arsaattarfimmi arsaaffiusussami katinngaani pinnguaatinik ussassaarisoqaraluartoq.

Pinnguaatinik tuniniaasartoq ima paasineqassaaq, inuk imaluunniit inatsisitigut pisinnaatitaasoq, aningaasarsiutiginiarlugu pinnguaatinut peqataanissamik neqerooruteqartartoq.

Pinnguaat ima paasineqassaaq, eqqorniaaneq, ataqatigiissinikkut pinnguaat aamma eqquiniunneq. Eqquiniaasitsineq eqqugassamik eqquiniunnermut peqataalluni sammisaqarnertut nassuiarneqassaaq, tassaniilu eqquinissamut ilimanassuseq nalaatsornerinnarmik inissinneqartartoq. Ataqatigiissinikkut pinnguaat eqqugassamik eqquiniunnermut peqataalluni sammisaqarnertut nassuiarneqassaaq, tassaniilu eqquinissamut ilimanassuseq pikkorissuseq nalaatsornerlu ataqatigiissillugit inissinneqartartoq. Naggattut eqquiniunneq eqqugassamik eqquiniunnermut peqataalluni sammisaqarnertut

nassuiarneqassaaq, tassaniilu siunissami pisussap inerneranut imaluunniit siunissami pisoqarsinnaanerata inerneranut aningaasanoorneruvoq.

Taarsigassiisartut namminneq isumagisussaavaat, ussasaaruteqarnissamik piffissamik pisisoqassanngitsoq imaluunniit allatigut pinnguaatinik imaluunniit pinnguaatinik tuniniaasunik tunngatillugu tuniniaanissamik nittarsaassisoqassanngitsoq.

Tuniniaanissamik nittarsaassinermut inerteqqut atuutilernissaa siunnersuutigineqarpoq, atuisartunut akiligassiissutininik isumaqatigiissutininik tuniniaanermik nittarsaassinerit Kalaallit Nunaanni imaluunniit Kalaallit Nunaannut saaffiginnittut, inunnut aningaasanoornermut immikkut ittumik soqutiginnittunut saaffiginnissinnaanerisa periarfissaata killilersimaartinnissaanut. Inerteqqutip tapersersussavaa atuisartut atuisartunut akiligassiissutininik isumaqatigiissutininik takusaqartarnerisa aamma pinnguaatinut, aningaasanik annaasaqarnissamut qaangersinnaangisamillu akiitsoqalernissamut annertuumik aarlerinaatilimmut, ikisinissamut siunertaqarlutik isumaqatigiissuteqartarnerisa ikilinissai.

Unioqqutitsisimaneq pequtigalugu inatsit alla malillugu sakkortunerusumik pineqaatissiissutigineqarsimanngippat, inerteqqummut unioqqutitsineq akiligassitsinermik pineqaatissiisoqassaaq.

§ 9 b, imm. 2-mut

§ 9 b, imm. 2-imi siunnersuutigineqarpoq, ineqarneq pillugu akiligassarsisitsinissamut isumaqatigiissutininik tuniniaanissamik nittarsaassinermi imm. 1-imi aalajangersagaq atuutissanngitsoq.

Ineqarneq pillugu akiligassarsisitsinissamut isumaqatigiissutit isumaqatigiissutitut nassuiaaserneqarput, qularnaveeqqusiussaqaarnikkut imaluunniit allatigut pigisamik aalaakkaasumik najukkamik qulanaveeqqusernikkut, imaluunniit pigisanik aalaakkaasunut najukkanut atatillugu pisinnaatitaaffimmik allamik qularnaveeqqusernikkut, taarsigassarsisussamut akiligassarsisitsinissamik akiligassarsisitsisup tunniussineratigut imaluunniit tunniussinissaminut neriorsuineratigut, imaluunniit akiligassarsisitsinissamut isumaqatigiissutit nunaminertanik imaluunniit illunik pioreersunik pilersaarutaasunilluunniit piginnittussaataalernissamut piginnittussaataaginnarnissamulluunniit taarsigassarsisussaq siunertaqartillugu akiligassarsisitsisup tunniussineratigut imaluunniit tunniussinissaminut neriorsuineratigut akiligassarsiguni. Assersuutigalugu realkredit-imik taarsigassarsinerusinnaavoq.

Ilaatitsinnginneq atuutissaaq, qanorluunniit akiligassiissutininik isumaqatigiissut toqqaannartumik qularnaveeqqummik, illumik qularnaveeqqusiussaqaarluni taarsigassarsinermi allagartamik, imaluunniit piginneqatigiilluni inissianut atuisinnaatitaanermik qularnaveeqqummik qularnaarneqaralarpat. Taamaattorli § 9 b, imm. 1-imi inerteqqut atuutissaaq, assersuutigalugu biilnik, qamuteralammik imaluunniit umiatsiamik akiligassiissutininik isumaqatigiissut qularnaveeqqusineqarnera qulakkeerneqarpat.

§ 9 b, imm. 3-mut

§ 9 b, imm. 3-mi siunnersuutigineqarpoq, nioqqummik imaluunniit kiffartuussissummik pisineq siunertaralugu akiitsut neqeroorutigineqarpata, tamatumunngalu pisiap akianut imaluunniit akiata ilaannaanut akiliinngikkallarnissamik pisisoq tuniniaasorlu isumaqatigiissusiorsimappata, imaluunniit pisisoq tuniniaasorlu isumaqatigiissusiorsimanerat tunngavigalugu suliami peqataasup avataaneersup pisisumut taarsigassarsisinneratigut pisiap akia tamakkiisumik ilaannakortumilluunniit akilernerqarpat, pinnguaatinik imaluunniit pinnguaatinik tuniniaasartunut tunngatillugu tuniniaanissamik nittarsaassinermi taarsigassiisartunik aamma atuisartunut akiligassarsisitsinissamut isumaqatigiissut tuniniaanissamik nittarsaassinermi imm. 1-imi aalajangersagaq atuutsinneqassanngitsoq. Tassunga umiatsiarsineq taarsigassalerlugu tuniniaanissamik nittarsaassineq assersuutaasinnaavoq.

Siunnersuutip imarivaa, pinnguaatinik imaluunniit pinnguaatinik tuniniaasunik tuniniaanermik nittarsaassinermut atatillugu, nioqqutiniq imaluunniit kiffartuussissutiniq akilersugassanik pisinermi tuniniaanermik nittarsaassisoqarsinnaanissaa. Malitsigisaanik § 9 b, imm. 1-imi inerteqqut atuisartunut akiligassiissutiniq isumaqatigiissutit aningaasanngorlugit akiliinertalinnut aamma atuisartunut akiligassiissutiniq isumaqatigiissutiniq aningaasanngorlugit akiliinertalinnik tuniniaasartunut tuniniaanissamik nittarsaassinermut killilerneqarpoq.

Pinnguaatinik pinnguaatinillu tuniniaasartunik tuniniaanissamik nittarsaassinermi aningaasanngorlugit tigullugit atuisartunut akiligassarsisitsinissamut isumaqatigiissuteqarnertuulli, akilersugassarsisilluni nioqqummik imaluunniit kiffartuussissummik pisinermi pinnguaatinik pinngitsuuissinnaalertitsinissaq annikinnerusutut nalilerneqarnikummat, ilaatitsinnginnerup atuutilernissaa siunniunneqarpoq.

§ 9 b, imm. 4-mut

§ 9 b, imm. 1-imi aalajangersakkamut atuutsitsinnginneq siunnersuutigineqassaaq. Aningaaseriviit taarsigassiisartullu allat timersornermut aningaasaliillutik tuniniaanissamik nittarsaassinerrannut kiisalu peqatigiit aningaasaateqarfiillu inuiaqatigiinnut iluaqutaasunut atuutsitsinnginneq tunngassuteqarpoq. Timersorneq, peqatigiit aningaasaateqarfiillu inuiaqatigiinnut iluaqutaasut pisunut qulaani taaneqartuni suli aningaasaliiffigineqarnissaat qulakkeerniarlugu atuutsitsinnginneq siunnersuutigineqarpoq. Imm. 4-mi siunnersuutigineqarpoq, pinnguaatinik imaluunniit pinnguaatinik tuniniaasunik tuniniaanissamik nittarsaassinermut atatillugu aningaaseriviit aamma allanik taarsigassiisartut aamma atuisartunut akiligassiissutiniq isumaqatigiissutiniq tuniniaanissamik nittarsaassinermi imm. 1-imi aalajangiissut atuutissanngitsoq, uku piumasaqaatit pingasut eqquutsinneqarpata:

- 1) taarsigassiisartup timersornermut aamma peqatigiit aningaasaateqarfiillu inuiaqatigiinnut iluaqutaasunut tuniniaanissamik nittarsaassippat,
- 2) taarsigassiisartoq 25 procentimik annerusumilluunniit ukiumut aningaasartuutilinnik tuniniaanngippat,
- 3) allakkatigut aningaasaliinissamik isumaqatigiissusiortoqarpat.

Assersuutitut Nuna tamakkerlugu ataatsimoortumik unammisartut, timersoqatigiiffittut kattuffiit soorlu Kalaallit Nunaanni Timersoqatigiit Kattuffiat aamma kattuffiit immikkuullarissut allat, inuussutissarsiutigalugu klubbit aamma ilaasortaanermik tunngaveqartumik timersuutini amerlasuuni aallunneqarsinnaasuni najukkami timersoqatigiiffittut kattuffiit timersoqatigiittut ingerlatsivittut paasineqassapput.

Peqatigiit aningaasaateqarfiillu inuiaqatigiinnut iluaqutaasut ima paasineqassapput, peqatigiiffiit Kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaat nr. 5, 6. juuni 2016-imeersumi § 1, imm. 3-mi malillugu inunnik qaammarsaasut, kiisalu kattuffiit ajunngitsuliornermik siunertallit.

Aningaasaliilluni tuniniaanissamik nittarsaassineq ima paasineqassaaq, taarsigassiisartup aamma timersornermik kattuffik pineqartup, peqatigiiffiit imaluunniit aningaasaateqarfiit inuiaqatigiinnut iluaqutaasut akorniminni aningaasaliinissamik isumaqatigiissuteqarnermisigut tuniniaanissamik nittarsaassinerit.

Aningaasaliinissamik isumaqatigiissut ima paasineqassaaq, suliffeqarfik atuisartunut taarsigassarsisitsisartup atianik, ilisarnaataanik, qanoq isigineqarneranik, suliaqarneranik imaluunniit nioqqutaanik nittarsaassinissaq siunertaralugu timersornermik kattuffimmi, peqatigiiffinni aningaasaateqarfiillu inuiaqatigiinnut iluaqutaasut sulissuteqarnerannut toqqaannartumik imaluunniit toqqaannangitsumik aningaasaliineq pillugu suliffeqarfiit atuisartunut taarsigassarsisitsisartullu allakkatigut isumaqatigiissuteqarneq. Isumaqatigiissusiliornerit, assersuutigalugu timersornikkut pisussaq TV-kkut isiginnaartitsinermut, imaluunniit on-demand-ikkut isiginnaarutikkut kiffartuussineritigut isiginnartitsinermut atatillugu aallakaatitassamut aningaasaliinerit pillugit tv-kkut sullissisunik isumaqatigiissusiornerit maani ilaatinneqanngillat, kisiannili § 9 b, imm. 1-imi inerteqquteqarluinnarnermut ilaalluni, pinnguaatinik imaluunniit pinnguaatinik tuniniaasunik atatillugu tuniniaanissamik nittarsaassisoqarpat.

Aningaasaliissuteqarluni tuniniaanissamik nittarsaassinerit, assersuutigalugu tujuulunnik aningaasaliineq, klubbimut atuagassiani, ussassaarutitut katinngaani, aningaasaliisunut iigaanni assingusunillu atsiussinissamik aningaasaliinerit, taarsigassiisup assersuutigalugu timersornermik kattuffimmut akiliilluni tuniniaanissamik nittarsaassinerupput. Siunnersuutip taamaasilluni nassatarissavaa , taamatut ittumik tuniniaanissamik nittarsaassineq pinnguaatinik ussassaarutit ataqtigalugit saqqummiusseqqusaaneq. Taamaasilluni taarsigassiisoq pinnguaatinik tuniniaasup saniani, soorlu arsaattup tujuuluani aningaasaliisutut atserneqarnera inissisimaqqusaavoq, tujuulup sumi takutinneqarnera apeqqutaatinnagu. Tamanna assigalugu, tusarnaartitsinerini peqatigiiffiit imaluunniit aningaasaateqarfiit inuiaqatigiinnut iluaqutaasuniit aaqqissuunneqarnikuni, naak tusarnaartitsineq assersuutigalugu toqqaannaq aallakaatinneqaraluartoq suliffeqarfiit taarsigassarsisitsisartut aningaasaliisumik ussassaarinerat pinnguaatinillu tuniniaasartut aningaasaliisumik ussassaarinerat sanilereeqqusaapput. Taarsigassiisartup timersornermilu kattuffiup, peqatigiiffiit imaluunniit aningaasaateqarfiit inuiaqatigiinnut iluaqutaasut akorniminni aningaasaliinermik isumaqatigiissuteqartillugit, timersortarfimmik sanatitsinermik aningaasaliineq, imaluunniit timersortartunik unammisitsinermik aningaasaliineq ilaatitsinnginnermut ilaassapput. Digitalikkut attaveqarfiinut, soorlu

nittartakkanut inuillu attaveqaqatigiiffiit timersornermik kattuffiup, peqatigiiffiit imaluunniit aningaasaateqarfiit inuiaqatigiinnut iluaqutaasut pigisaaniit aamma tamanna atuutissaq.

Pingaarnersaat tassaavoq, tuniniaanissamik nittarsaassineq aningaasaliinermik isumaqatigiisummiit pilersinneqartoq.

Nr. 6-imut

§ 24 a, imm. 1-mut

Imm. 1-mi aalajangersagaq Atuisartoqarnermut Unammilleqatigiinnermullu Aqutsisoqarfiup maanna Inatsisartut inatsisaannut unioqqutitsissutaasinnaasunik kinaassutsimik isertuussilluni saaffiginnissutinik suliarinninnissamut aaqqiisummik pilersitsinissaanut (whistleblowerordning) periarfissiivoq. Taamaasilluni inatsisitigut illersuiniarluni maanna Atuisartoqarnermut Unammilleqatigiinnermullu Aqutsisoqarfiup nittartagaani whistleblowerportal-i unammilleqatigiinnermut inatsisitigut unioqqutitsinerit tunngasoq, tuniniaanissamik nittarsaassinermit inatsisitigut unioqqutitsinerit pillugit saaffiginnissutit/nalunaarutit suliarisinnaanngorlugit aaqquissuunneqarsinnaavoq.

Inuussutissarsiornermik ingerlataqartumi pissutit atuisartuniit nalorninartutut misiginarsinnaasut pillugit, inatsisitigut tuniniaanissamik nittarsaassinermik unioqqutitsisoqarnersoq, imaluunniit inatsisinut naapertuuttumik pisoqarnersoq pillugu innuttaasut namminneq inatsisitigut naliliisinnaanissai naliliinissaallu naatsorsuutigineqarsinnaanngilaq.

Taamaattumik unioqqutitsinerusinnaasut pillugit nittartakkami saaffiginnissutit tamaasa illersorneqarput. Tuniniaanissamik nittarsaassisarnermut inatsit unioqqutinneqanngikkaluartoq saaffiginnissutit taamaasillutik kinaassutsimik isertuussinikkut pisinnaapput.

Inuussutissarsiornermik ingerlatalik atuisartoqarnermut aamma inuussutissarsiornermut inatsimmik unioqqutitsippat, tamanna pitsaasumik tuniniaanissamik nittarsaassinermik ileqqulersuuteqarnissamut aamma pitsaasumik inuussutissarsiornermik ileqqulersuuteqarnissamut piumasaqaammut nalinginnaasumik unioqqutitsinerusussaat, whistleblowerportal-i aqqutigalugu suulluunniit ilumoorussamik nalunaarutit kinaassutsimik isertuiffiusinnaapput, atuisunut inuussutissarsiornermik suliffeqarfimmut atatillugu ileqqunut tunngassuteqartillugit. Assersuutigalugu tassannga inuussutissarsiornermik ingerlatalinnut inuussutissat pillugit inatsimmi unioqqutitsisimasut pillugit oqaatilliinernut atuuppoq. Pisuni taamaattuni Atuisartoqarnermut Unammilleqatigiinnermullu Aqutsisoqarfiup oqartussamut eqqortumut ingerlatitseqqiinnissaminut nalunaaruteqartumut akuersisummik qinnuiginnissaaq.

Nalunaaruteqartup eqqunngitsuliornini nalunngikkaluarlugu inuussutissarsiornermik ingerlataqartoq pillugu ajortisaariniarluni unnerluuteqarpat, saaffiginnissutaa atuutinnaviannngilaq, taamaasiernerlu malittarisassanik inatsisitigut atorneerlunertut isigineqassaaq, tamatumunngalu illersorneqarsinnaanissaaq pisinnaanngilaq. Taakku

inatsisilerinermi akerliliinernik (retstridig) nalunaarutit taamaasillutik paasissutissanik tunniussineq pillugu aamma suliamut tunngasunik ilisimatinneqarneq pillugu pisortat ingerlatsineranni inatsisit naloginnaasut malillugit suliarineqassapput.

§ 24 a, imm. 2 aamma 3-mut

Imm. 2-mi 3-milu aalajangersakkat whistleblower-ip pisinnaatitaaffii qularnaarunneqarnissaa Atuisartoqarnermut Unammilleqatigiinnermullu Aqutsisoqarfiullu kinaassutsimik isertuussilluni nalunaarutinik suliaqarsinnaanera qularnaarpaat. Aqutsisoqarfiup suliffeqarfimmut naammagittaalliutigineqartumut, pisortanut allanut, kattuffinnut il.il. saaffiginnissut pillugu oqaaseqarsinnaanissaminut periarfissaqarnaviannigilaq, tamanna whistleblower-ip akuersissutigisimanngippagu. Whistleblower-illu kinaassusaanik paasisitsissutaasinnaasumik aqutsisoqarfimmut paasissutissanik ingerlatitseqqinnissaq periarfissaassanngilaq, whistleblower-ip tamanna pitinnagu akuersereersimaneranik pisoqarsimanngippat.

Pisuni qaqutigoorluinnartuni ajornatoornermi pisinnaatitaanerup kingunerissavaa, nalunaaruteqartumut akuersisummik aalleqqaanngikkaluarluni, nalunaarut ingerlaannaq politiinut imaluunniit oqartussanut allanut eqqortunut ingerlateqqinneqarsinnaanngorneri. Tamanna assersuutigalugu pissutsinut innuttaasup imaluunniit innuttaasut inuunerinut nukinginnartumik uloriarnartorsiortitsisunut tunngassuteqartunik nalunaarutinut atuuppoq.

Saaffiginnissutit whistlebloweportal-ikkut tiguneqanngitsut, soorlu allagarsiakkut imaluunniit e-mailikkut tiguneqartut, ingerlateqqitsisarnermut paasitinneqarsinnaatitaanermullu tunngatillugit pisortat ingerlatsineranni inatsisit naloginnaasut malillugu nalilersorneqassapput.

Nr. 7-imut

Kapitali 8 nutaamik oqaasertalerneqassaaq. Tassunga pissutaavoq, siunnersuummi Atuisartut Pisisartullu Maalaarutaannik Aalajangiisartut atuukkunnaartinneqassammata, pisinnaatitaaffiilu Atuisartoqarnermut Unammilleqatigiinnermullu Aqutsisoqarfimmut, maannamut aalajangiisartunut inatsisitigut allattoqarfiusumut tunniunneqassammata. Atuisartut pisisartullu naammagittaalliutaannut sulianut aalajangiissutit taamaasillutik allaffissornikkut aalajangiiffigineqartalissapput.

Saqitsaannermut tunngasunik inatsisilerineq aamma inatsisitigut pissutsit inatsisilerinermut tunngasut qaqaqugukkulluunniit atuuttut naammagittaalliummut attuumassuteqartut aallaavigalugit, maannamut aalangiissutit aalajangiissuteqarfigineqartassapput. Ingerlatsineq pillugu inatsiseqarnermi malittarisassat nalinginnaasut, tassannga suliami paasissutissiineq, tusarniaaneq tunngavilersuisussaataitanerlu naapertorlugit naammagittaalliutit maannamut suliarineqartassapput.

Tuniniaanissamik nittarsaassisarnermut inatsimmi § 35, imm. 2 malillugu aalajangiissutit maannakkutulli allaffissornikkut oqartussamut allamut suliassanngortinneqarsinnaanaviannigillat, eqqartuussivinnuinnarlu suliassanngortinneqarsinnaassallutik. Taamaasilluni Atuisartut Pisisartullu Maalaarutaannik

Aalajangiisartut atuukkunnaartinnerani atuisartut pisisartullu naammagittaalliutaannut suliat Atuisartoqarnermut Unammilleqatigiinnermullu Aqutsisoqarfiup Naalakkersuisoqarfianut naammagittaalliuutigneqalersinnaaneranut kinguneqarnavianngilaq.

Inuussutissarsiornermik ingerlatallit aalajangiissutitut akerliunissaminnut periarfissaat, imaluunniit aallartitseeqqinnissamut noqqaassuteqarnissamut periarfissaat, kiisalu aalajangiissutit assortugassaangitsut pinngitsaaliissummik atuutinneqalernissaanut atuisartut ujartuinissaanut periarfissaat allannguummi sunnerneqanngillat.

§ 27-mut

§ 27-mut siunnersuummi allassimavoq, atuisartut naammagittaalliuutertik Atuisartoqarnermut Unammilleqatigiinnermullu Aqutsisoqarfimmut nassiuttassagaat, aqutsisoqarfiullu atuisartut naammagittaalliuutai suliarisassagai.

Atuisartoqarnermut Unammilleqatigiinnermullu Aqutsisoqarfik nakkutilliinermik oqartussaasutut tuniniaanissamik nittarsaassinnermut inatsisitigut unioqqutitsinerit nalinginnaasut pillugit naammagittaalliuutinik aamma tigusaqartarmat, aalajangersakkami erseqqissarneqarpoq piumasaqaatit nioqqutinik, sulinernik kiffartuussinernilluunniit, inuussutissarsiornermik ingerlatallit tuniniagaanik, pisinermi atuisartunut isumaqatigiissutitut aallaavillit pillugit naammagittaalliuutit, kapitali 8-mi malittarisassat malillugit suliarineqarsinnaasut taamaallaat sulii suliarineqarsinnaasut.

Inatsimmi matumani Atuisutut isumaqatigiissutit ilaat pillugit inatsisip Kalaallit Nunaannut atuutilersinneqarnissaa pillugu peqqussut nr. 989, 14. oktobari 2011-meersoq assigalugu atuisutut isumaqatigiissut paasineqassaaq tassaasoq isumaqatigiissut, inuussutissarsiummik ingerlatsisup isumaqatigiissutaa, inuutissarsiumminut atasumik aappaasoq (atuisoq) inuutissarsiummi avataatigut annertunerusumik niuerpat.

§ 28-mut

Aalajangersakkap qulakkiissavaa, Atuisartoqarnermut Unammilleqatigiinnermullu Aqutsisoqarfiup naammagittaalliuutinik suliarinnissinnaaneranut piginnaasai, isumaqatigiissuteqarnikkut killilersorneqannginnissai.

Kisiannili pisinermik isumaqatigiissummi imaluunnit niuernermi piumasaqaatit nalinginnaasuni taamatut inerteqqut ilaatinneqarsimappat, isumaqatigiissut atuunnavianngilaq, sananeqarsimanngitsutullu nalilerneqassalluni. Killersuinernut tamanut tamanna atuussaaq, suliffeqarfiup nammineq naammagittaalliuuteqartarfiani suliami nalileqqereerpagu aatsaat Atuisartoqarnermut Unammilleqatigiinnermullu Aqutsisoqarfimmut naammagittaalliuuteqartoqarsinnaasoq pillugu isumaqatigiissummi immikkut piumasaqaat killilersuinertut assersuutaasinnaavoq.

§ 29-mut

Aalajangersakkami nassuiarneqarpoq, inatsimmi allami naammagittaalliuuteqarnissamut inatsisinik allanik aalajangersaasoqarsimappat imaluunniit naammagittaalliuuteqartarfimmik allamik aalajangersaasoqarsimappat, Atuisartoqarnermut Unammilleqatigiinnermullu Aqutsisoqarfik naammagittaalliuutinik suliarinnissamut piginnaatitaanngitsaq.

§ 30, imm. 1-mut

Aalajangersakkap naammagittaalliortup eqqartuussivikkut piumasaqaatini eqquutsinneqarnissaanut Atuisartoqarnermut Unammilleqatigiinnermullu Aqutsisoqarfiup innersuussinissaminut periarfississavaa, suliami inerniliisoqassappat taamatut uppersaasoqqaartillugu aqutsisoqarfiup aalajangiissuteqarnissaminut pisinnaanngitsutut naliliisimatilluni. Suliat inatsisitigut assigiinngitsumik paasineqarsinnaasut qanorlu malinneqarnissaanut qularnartut, Atuisartoqarnermut Unammilleqatigiinnermullu Aqutsisoqarfiullu aalajangiissuteqarfigisinnaanngisai aalajangiisummi aamma ilaatinneqarput.

§ 30, imm. 2-mut

Atuisartoqarnermut Unammilleqatigiinnermullu Aqutsisoqarfiup naammagittaalliut tunngaveqannginnera ersarilluinnartuusutut nalilerpagu, aqutsisoqarfimmit aalajangiissuteqqaartoqanngikkaluartoq aalajangersakkap naammagittaalliutunik itigartitsisinnaanngortippaa.

§ 31-mut

Aalajangersakkami suliaq eqqartuussivikkut imaluunniit isumaqatigiissuteqarnikkut suliarineqarnikoq Atuisartoqarnermut Unammilleqatigiinnermullu Aqutsisoqarfimmiit suliarineqarsinnaanngitsoq nassuiarneqarpoq.

§ 32-mut

Inuussutissarsiornermik ingerlatallit piffissat killiliussat iluini qisuariaateqarnissaanut pisussaaffilernissaasa aalajangersakkap siunertaraa, § 27 malillugu Atuisartoqarnermut Unammilleqatigiinnermullu Aqutsisoqarfiup aalajangiissutaanut pituttorsimanissartik kissaatiginngippassuk.

Atuisartoq tamakkiisumik ilaannakortumilluunniit ilalerneqarsimatillugu inuussutissarsiornermik ingerlataqartoq aalajangiisummut eqquutitserusunngippat, tamanna pillugu Atuisartoqarnermut Unammilleqatigiinnermullu Aqutsisoqarfimmut aalajangiinerup nalunaarutigineqareerneranit ullut 30-it iluanni allaganngorlugu inuussutissarsiornermik ingerlataqartup nalunaaruteqarnissaanik aalajangersagaq malitseqartitsissaaq.

Atuisartoq tamakkiisumik ilaannakortumilluunniit ilalerneqarsimatillugu inuussutissarsiornermik ingerlataqartoq aalajangiisummut malinnikkusunngippat, inuussutissarsiornermik ingerlataqartup tamanna pillugu Atuisartoqarnermut Unammilleqatigiinnermullu Aqutsisoqarfimmut aalajangiinerup nalunaarutigineqareerneranit ullut 30-it iluanni allaganngorlugu nalunaaruteqarnissaanik aalajangersagaq malitseqartitsissaaq.

Piffissaritaq eqqorlugu nalunaaruteqarnerup kingunerisaanik inuussutissarsiornermik ingerlataqartoq aalajangiinerup malinnittariaqartussaassanngilaq, taamaattumillu taanna pinngitsaaliisummik atuutsinneqarsinnaassanani. Atuisartup taamatut pisoqartillugu suliamik ingerlatitseqqinnissaq kissaatigiguniuk, atuisartoq inuussutissarsiornermik ingerlataqartumut eqqartuussivimmi suliaqqissuteqartariaqassaaq.

§ 33-mut

Atuisartoqarnermut Unammilleqatigiinnermullu Aqutsisoqarfimmiit atuisartoq aalajangiissummi tamakkiisumik imaluunniit ilaannakortumik ilalerneqartillugu pisuni, inuussutissarsiornermik ingerlatalik suliamik aallartitseeqqinnissamik piumasaqarsinnaaneranut periarfissaanut aalajangersagaq tunngassuteqarpoq.

Piffissarititap § 32-mi piffissarititaq assigaa, taamaalillunilu taamatuttaaq aalajangiinerup nalunaarutigineqarsimanissaa tiguneqarsimanissaalu piumasaqaataalluni.

Piffissaritaq eqqorlugu piumasaqaat saqqummiunneqarsimappat, tassalu ullut 30-t piffissarititap iluani Atuisartoqarnermut Unammilleqatigiinnermullu Aqutsisoqarfimmut allaganngorlugu tunniunneqarsimappat, piumasaqaat atuukkunnaarallartitsissaaq.

Tamatuma kingorna § 32-mi piffissarititaq suliamik aallartitseeqqinnissamik piumasaqaateqarnerup itigartinneqarneranit imaluunniit Atuisartoqarnermut Unammilleqatigiinnermullu Aqutsisoqarfiup suliamik aallartitseeqqinnissamut tunngasumi aalajangeereerneranit piffissarititassaq naatsorsorneqassaaq.

Pkt. 1-imi oqaatigineqartutut atuukkunnaarallartitsineq suliap aallarteqqinneqarnissaanut piumasaqarnermi siullermi taamaallaat pisarpoq. Taamaattumik piffissamut killeqanngitsumut aalajangiussinerup inatsisitigut atuutsinneranik suliamik aallartitseeqqeqquisaqattaarnerit ikiorsiullugit inuussutissarsiummik ingerlataqartoq kinguartitsisinnaanngilaq. Taamaattumik inuussutissarsiornermik ingerlatalik aallartitseeqqiinniarnissamut piumasaqaqattaarneratigut aalajangiissutip inatsisitigut sunniutaanik piffissami killeqanngitsumi kinguartitsisinnaanngilaq.

§ 34, imm. 1-mut

Atuisartoq tamakkiisumik ilaannakortumilluunniit ilalerlugu aalajangiissuteqartoqartillugu, §§ 32-mi aamma 33-mi piffissarititat qaangiutereernerata kingorna pinngitsaaliissummik atuutsinneqalersinnaanissaannik qulakkeerinninnissamik aalajangersagaq siunertaqarpoq.

Tamanna sioqqullugu inuussutissarsiornermik ingerlatalik Atuisartoqarnermut Unammilleqatigiinnermullu Aqutsisoqarfimmut pineqartoq aalajangiissutimut pituttorsimarusunnginnini pillugu allakkatigut nalunaaruteqarsimappat, pinngitsaaliissummik atuutsitsinissamut periarfissaaq atuutsissanngilaq, tak. § 32. Piffissarititaq sioqqullugu inuussutissarsiornermik ingerlatallip aalajangiissummumut pituttorsimarusunnginnera pillugu Atuisartoqarnermut Unammilleqatigiinnermullu Aqutsisoqarfik allakkatigut nalunaarummik tigusaqarsimaguni, atuisartoq suliap eqqartuussivinnut tunniussinnaavaa, inuussutissarsiornermillu ingerlatalik eqqartuunneqarnissaa angullugu, taamaasiornikkut pinngitsaaliissummik atuutsitsilernissamut tunngavissamik pissarsinissamut misiliisinnaalluni.

§ 34, imm. 2-mut

Atuisartoqarnermut Unammilleqatigiinnermullu Aqutsisoqarfiup aalajangiissuteqarneranik pinngitsaaliissummik atuutsitsinissaaq pillugu eqqartuussivinnut atuisartut

suliakkiissuteqartarnerannut piumasaqaatit erseqqinnerusut aalajangersakkami aalajangersarneqarput.

Atuisartoqarnermut Unammilleqatigiinnermullu Aqutsisoqarfimmiit aalajangiissut noqqaassummi ilanngunneqassaaq, tassaasoq pinngitsaaliisummik atuutsitsinissamut noqqaassummut tunngaviliisuusassaaq, kiisalu inuussutissarsiornermik ingerlatalik aalajangiisummut pittorsimarusunnginnini pillugu § 32 aamma § 33-mi piffissarititat iluini pineqartoq nalunaaruteqarsimannginneranut Atuisartoqarnermut Unammilleqatigiinnermullu Aqutsisoqarfimmiit nalunaarut ilanngunneqassaaq.

Inuussutissarsiornermik ingerlataqartoq aalajangiisummut eqquutitsinissamik kissaateqanngitsoq Atuisartoqarnermut Unammilleqatigiinnermullu Aqutsisoqarfimmut piffissaq eqqorlugu nalunaaruteqarsimanngippat, Atuisartoqarnermut Unammilleqatigiinnermullu Aqutsisoqarfik taamaalilluni atuisartumit piumaffigineqarnermigut atuisartup aalajangiissutip pinngitsaaliisummik atuutsinneqarnissaa pillugu eqqartuussivimmut piumasaqaateqarnerminut atatillugu atugassaanik nalunaarummik suliaqassaaq.

§ 35, imm. 1-imut

Aalajangersakkap nassuiaatigaa, naammagittaalliuuteqarnermut suliami aalajangiissuteqartoqarsimatillugu, suliami peqataasut suliaq eqqartuussivinnut suliassanngortissinnaagaat. Taamaalilluni Atuisartoqarnermut Unammilleqatigiinnermullu Aqutsisoqarfik, atuisartoq sinnerlugu, atuisartoq tamatuminnga piumasaqarsimatillugu, aggeqqusissuteqarsinnaaneranut aalajangersagaq periarfissiivoq.

Inuussutissarsiornermik ingerlataqartup § 32 malillugu Atuisartoqarnermut Unammilleqatigiinnermullu Aqutsisoqarfimmut taassuma aalajangiisummut eqquutitsinissamik kissaateqarani nalunaaruteqarnerani aalajangersagaq atussallugu naleqqutissaaq.

§ 35, imm. 2-mut

Aalajangersagaq Atuisartoqarnermut Unammilleqatigiinnermullu Aqutsisoqarfiup aalajangiissutai allaffissornikkut oqartussaasumut allamut suliakkiissutigineqarsinnaannginnissaanik malitseqartitsivoq. Tamanna isumaqarpoq, Atuisartoqarnermut Unammilleqatigiinnermullu Aqutsisoqarfiup aalajangiissutai inaarutaasut, allaffissornikkullu oqartussaasumut allamut, tassunga ilanngullugu aqutsisoqarfiup Naalakkersuisoqarfianut suliakkiissutigineqarsinnaanngitsut.

Nr. 8-mut

§ 36, imm. 1-mut

Aalajangersakkami siunertaavoq aalajangiissutit inuiaqatigiimmiit soqutigineqartut Atuisartoqarnermut Unammilleqatigiinnermullu Aqutsisoqarfimmit ammasumik saqqummiunneqarsinnaanerisa qulakkeerneqarnissaa, taamaalilluni atuisartut taamatullu inuussutissarsiornermik ingerlataqartut taakkuninnga ilisimannilissallutik.

§ 36, imm. 2-mut

Aalajangersakkap qulakkiissavaa, pisaaseq nalinginnaasoq malillugu sulianik tamanut ammasumik saqqummiineq kinaassutsimik isertuinikkut pisarnissaa. Taamaattorli tassannga ilaatinneqartussaannngitsut marluk atuutissapput.

Ilaatitsinnginneq siullesq tassaavoq, suliat tuniniaanissamik nittarsaassinnermut nakkutilliinnermik tunngassutillit politiinut unnerluutigineqarnikut, inuussutissarsiornermillu ingerlataqartup akiliisitsissummut akuersisimappat imaluunniit akiliisitsissummik pineqaatissinneqarsimappat. Suliat tamakku imm. 3-mi taaneqarput.

Ilaatitsinnginnerup aappaa tassaavoq, § 37-mi taaneqartoq, Atuisartoqarnermut Unammilleqatigiinnermullu Aqutsisoqarfik maannamut piffiit ilaanni, atuisartut naammagittaalliuutaanik suliat pillugit Aqutsisoqarfiup aalajangiissutaanik inuussutissarsiornermik ingerlatalit malinninngittut allattorsimaffianik tamanut ammasumik saqqummiussisinnaasarnera.

§ 36, imm. 3-mut

Siunnersuutigineqassaaq, Atuisartoqarnermut Unammilleqatigiinnermullu Aqutsisoqarfik tuniniaanissamik nittarsaassinnermi peqqarniissimanermik politiinut unnerluuteqareermermi akiliisitsissummik kinguneqartumik suliat pillugit atinik oqaatiginilluni inuiaqatigiinnut ilisimatitseqqusaassasoq.

Tamanut ammasumik saqqummiissinikkut ilisimatitsineq pisinnaavoq, suliaq tamanit soqutiginaateqarpat, imaluunniit tuniniaanissamik nittarsaassinnermut inatsimmut aalajangersakkat imaluunniit inatsisini aalajangersakkat tassannga atuutilersinneqartut paasinissaanut pingaaruteqarpat. Sulianut amerlanerpaanut tamanna atuutissasoq naatsorsuutigineqarpoq, Inatsisartut inatsisaanni malittarisassat atorneqarnissaanut assersuutit paasininnissaanut nalinginnaasumik atuisartunut iluaqutaassammat, soorluttaaq assersuutigalugu tuniniaanissamik nittarsaassinnermut tunngatillugu suliani akiliisitsissutaasup qaffasissusaanut ilisimanninnissamut inuussutissarsiornermut inatsisitigut suliassaqarfimmi sulialinnut, soorlu eqqartuussissuserisunut aamma suliffeqarfinni inatsisilerituunut naapertuuttussaasoq.

Ilisimatitsineq akiliisitsissutiinnarmik imaluunniit suliameq eqqartuussutiinnarmik saqqummiussinerussanngilaq, kisianni politiinut unnerluussinnginnermi susoqarsimaneranut ilisimatitsissutinik, tassani ilanngullugit Atuisartoqarnermut Unammilleqatigiinnermullu Aqutsisoqarfiup inuussutissarsiornermillu ingerlataqartup allagaataanni imarisanik, kiisalu isumaliutersuutaannik tunngavilersuutaannillu imaqaassalluni.

Pisuni taamaattuni tamanut ammasumik saqqummiinnerit suliffeqarfik pineqartoq kinaassusersiineranik pisinnaapput. Taamaattoqarnissaanut ilisimatitsinissaq aamma pitsaaliuinissaq peqqutaavoq.

Kisiannili immikkuullarittumik nukingisaarutaasumik pisoqarsimanngippat, suliffeqarfiup pineqaatissinneqarsimasup anguniakkani isumagisinnaaniassammagit saqqummiussisoqannginnerani ilisimatinneqartussaammat illersorneqalaassaaq.

Inuussutissarsiornermik ingerlataqartup atuisartunut allanut matumanilu peqqarniitsumik inatsimmut unioqqutitsinerit nutaat, imaluunniit atuisartut arlallit qaangiuttuulertumik inuussutissarsiornermik ingerlataqartumut utertitsiilluni akiliinissamut piumasaqaateqarsimanerat immikkuullarittumik nukingisaarutaasumik pisoqarsimanermut assersuutaasinnaapput.

Nr. 9-mut

Inuussutissarsiornermik ingerlataqartut kapitali 8 malillugu Atuisartoqarnermut Unammilleqatigiinnermullu Aqutsisoqarfiup aalajangiissutaanut eqquutitsinngitsut pillugit Atuisartoqarnermut Unammilleqatigiinnermullu Aqutsisoqarfiup nalunaarsukkamik saqqummiussisinnaanera aalajangersakkami siunertarineqarpoq.

Oqaasertaasa allanngortinneqarnerisa erseqqissassavaa, naak Atuisartoqarnermut Unammilleqatigiinnermullu Aqutsisoqarfiup suliat assigiinngitsut suliarisaraluarlugit, maannammut atuisartut naammagittaalliutaanik suliani aalajangiissutit kapitali 8 naapertorlugu suliat taamaallaat allattorsimaffimmi tamanut ammasumik saqqummiunneqarsinnaapput.

Nr. 10-mut

Aalajangersagaq allanngortinneqassaaq, tuniniaanissamik nittarsaassisarnermut inatsimmi § 9. imm. 4 aamma 5-mi, kiisalu § 9 a, imm. 1-mi aamma § 9 b, imm. 1-mi inerteqqutitut ilanngunneqarlutik. Unioqqutitsisimaneq peqqutigalugu inatsit alla malillugu sakkortunerusumik pineqaatissiissutigineqarsimanngippat, akiliisitaanermik pineqaatissiinerussaaq.

§ 9, imm. 4 pillugu (siunnersuummi § 1, nr. 3-p ilagivaa)
Meeqqanut inuusuttunullu tuniniaanissamik nittarsaassinernut inerteqqutit unioqqutitsinerit pineqaatissiissuteqalernermigut inerteqqutit sunniuteqarluarniassaar anguniarlugu aalajangersakkap atuutilernissaa siunniunneqarpoq.

Aalajangersakkamik unioqqutitsinerimi akisussaaffik, inuussutissarsiornermik ingerlatalinnut inunnut inatsisitigullu pisinnaatitaasunut pisussaataasunullu tuniniaanissamik nittarsaassinermik pineqartumut suliaqartunut tussinnaavoq. Meeqqamut imaluunniit inuusuttumut 15-it inorlugit ukiulimmut angajoqqaat, pissutsit aallaavigalugit, aalajangersakkamik unioqqutitsinerimut ilaatigut akisussaasuusinnaapput, angajoqqaat suliffeqarfimmut isumaqatigiissuteqarnerisa kinguneranik meeraq imaluunniit inuusuttoq 15-it inorlugit ukiulik suliffeqarfimmut nittarsaassippat.

Tuniniaanissamik nittarsaassisarnermut inatsit malillugu meeqqat aamma inuusuttut 15-t inorlugit ukiullit akiligassiinermik pineqaatissinneqarsinnaanngillat, imaammat taakkua pineqaatissinneqarsinnaanermut killigititaasumit ukiukinnerummata.

Aalajangersakkami unioqqutitsinerimi pineqaatissiiniarnermut kinaassusersiortumik piumasaqaatit tassaapput mianersuaalliorneq aamma piaarineq.

§ 9, imm. 5 pillugu (siunnersuummi § 1, nr. 3-p ilagivaa)

Meeqqanut inuusuttunullu tuniniaanissamik nittarsaassinnermut inerteqqutiniq unioqqutitsinerit pineqaatissillugit inerteqqutit sunniuteqarnissaat qulakkeerniarlugu aalajangersakkap pilersinneqarnissaa siunnersuutigineqarpoq.

Aalajangersakkamik unioqqutitsineri akisussaaffik, inuussutissarsionermik ingerlatalinnut inunnut inatsisitigullu pisinnaatitaasunut pisussaataasunullu tuniniaanissamik nittarsaassinnermik pineqartumut suliaqartunut tussinnaavoq. Meeqqamut imaluunniit inuusuttumut 15-it inorlugit ukiulimmut angajoqqaat, pissutsit aallaavigalugit, aalajangersakkamik unioqqutitsinnermut ilaatigut akisussaasuusinnaapput, angajoqqaat suliffeqarfimmut isumaqatigiissuteqarnerisa kinguneranik meeraq imaluunniit inuusuttoq 15-it inorlugit ukiulik suliffeqarfimmut nittarsaassippat.

Tuniniaanissamik nittarsaassisarnermut inatsit malillugu meeqqat aamma inuusuttut 15-t inorlugit ukiullit akiligassiinnermik pineqaatissinneqarsinnaanngillat, imaammat taakkua pineqaatissinneqarsinnaanermut killigititaasumit ukiukinnerummata.

Aalajangersakkami unioqqutitsineri pineqaatissiiniarnermut kinaassusersiortumik piumasaqaatit tassaapput mianersuaalliorneq aamma piaarineq.

§ 9 a, imm. 1. aamma § 9 b, imm. 1 pillugit (siunnersuummi § 1, nr. 4-p ilagivaa)

Atuisartunut akiligassarsitsinissamut isumaqatigiissutiniq aaliangersimasunik inerteqqutit sunniuteqarnissaat aamma atuisartunut aningaasanik atukkiisartunut inerteqqussutiniq unioqqutitsisut pineqaatissinneqartarnissaat aalajangersakkap pilersinneqarnissaa pillugu siunnersuutigineqarpoq.

§ 9 a, imm. 1 aamma § 9 b, imm. 1-imi unioqqutitsineri akisussaasuusussat tassaapput, inuussutissarsionermik ingerlatallit inuit aamma inatsisitigut pisinnaatitaasut pisussaataasullu, tassannga aamma akiligassanngortitsisartut aamma akiligassanngortitsisussamut innersuussisartut atuisartunut taarsigassiisartumik imaluunniit akiligassiissutiniq isumaqatigiissutiniq atuisartunut nittarsaassisartut.

Tuniniaanissamik nittarsaassisarnermut inatsimmi § 9 a, imm. 1. aamma § 9 b, imm. 1-imi , unioqqutitsineri pineqaatissiineq, iliuuseqarnermik piumasaqaatai tassaapput, mianersuaalliorneq imaluunniit piaarineq.

Kalaallit Nunaanni Pinerluttulerineri Inatsimmi malittarisassat malillugit, ingerlatseqatigiiffit il.il. (inatsisitigut pisinnaatitaasut pisussaataasullu) akisussaatinneqarsinnaapput, tak. tuniniaanissamik nittarsaassinnermi inatsimmi § 39, imm. 3.

§ 2-mut

Inatsisartut inatsisaat ulloq 1. juuli 2026-mi atuutilissasoq siunnersuutigineqarpoq.

Inatsisissatut siunnersuut inatsimmut atuuttumut sanilliullugu	
	§ 1 Tuniniaanissamik nittarsaassisarneq aamma nalunaaqutsersuisarneq pillugu Inatsisartut Inatsisaat nr. 39, 9. decembari 2015-imeersumi (tuniniaanissamik nittarsaassisarnermut inatsit), takuuk Namminersorlutik Oqartussat nalunaarutaat nr. 1, 26. marsi 2021-meersoq, ima allannguuteqartitsisoqassaaq:
§ 4. Ussassaarut, ilusaa apeqqutaatinnagu aammalu tusagassiuutini sorlorni saqqummersinneqarnersoq apeqqutaatinnagu, ussassaarutitut ersarissumik paasineqartussanngorlugu saqqummersinneqassaaq.	1. § 4 ima oqaasertalerneqassaaq: “ § 4. Ussassaarutip ilusaa apeqqutaatinnagu aammalu attaveqaatigiittarfinni sorlorni saqqummersinneqarnersoq apeqqutaatinnagu, inuussutissarsiornermik ingerlatallip aningaasarsiornissamik siunertaq erseqqissumik ilisimatitsiissutigissavaa.”
§ 9, imm. 3. Tuniniaanissamik nittarsaassineq meeqqanut inuusuttunullu sammitinneqartoq aanngajaarniutininik, ilanngullugu imigassanik aalakoorartortalinnik, eqqartuinerinik, assilisanik imaluunniit innersuussutinik imaqartinneqassanngilaq.	2. § 9, imm. 3 ima oqaasertalerneqassaaq: " Imm. 3. Tuniniaanissamik nittarsaassineq meeqqanut inuusuttunullu sammitinneqartoq ukunanga imaqartinneqassanngilaq: 1) aanngajaarniutininik, ilanngullugu imigassanik aalakoorartortalinnik, imaluunniit nioqqutinik meeqqanut inuusuttunullu 18-it inorlugit ukiulinnut naleqqutinngitsunik eqqartuinerit, 2) aanngajaarniutit, ilanngullugu imigassat aalakoorartortalit, imaluunniit nioqqutit meeqqanut inuusuttunullu 18-it inorlugit ukiulinut naleqqutinngitsut assiininik, imaluunniit 3) aanngajaarniutininut, ilanngullugu imigassanut aalakoorartortalinnut, imaluunniit nioqqutinut meeqqanut inuusuttunullu 18-it inorlugit ukiulinut naleqqutinngitsunut innersuussutit."
	3. § 9 imm. 4-6-itut ikkunneqassaaq:

	“ <i>Imm. 4.</i> Inuit attaveqatigiittarfiini profil-ini meeqqaniit inuusuttuniillu 15-it inorlugit ukiulinniit pigineqartuni pigineqartutulluunniit isikkoqartuni, imaluunniit profil-it aqqutigalugit tuniniaanissamik nittarsaassisoqaqquusaanngilaq. <i>Imm. 5.</i> Inuit attaveqatigiittarfiini tuniniaanissamik nittarsaassinerni meeqqanut inuusuttunullu saaffiginnittuni, meeqqat 15-it inorlugit ukiullit imaluunniit taakkua assiliartalersuinertalimmik atorneqaqquusaassanngillat, taamaattorli nioqqutimik takutitsinermi pissusissamisoortumik atassuteqarpata aatsaat pisinnaalluni. <i>Imm. 6.</i> Nioqqutit sorliit meeqqanut inuusuttunullu 18-it inorlugit ukiulinnut naleqqutinngitsutut isigineqassanersut pillugit Naalakkersuisut malittarisassanik aalajangersaasinnaapput, tak. imm. 3, nr. 1-3.”
	4. § 9 kingorna nutaamik qulequtaliisoqassaaq: <i>"Akiligassiissutininik isumaqatigiissutit aamma atuisartunut taarsigassiisartut ilaannik tuniniaanissamik nittarsaassisarnissamut inerteqqut"</i>
	5. Qulequtap nutaanngornerata kingorna ikkunneqartussat: § 9 a. Aningaaseriviit aamma taarsigassiisartut allat atuisartunut akiligassiissutininik isumaqatigiissutininik ukiumut 25 procentimik annerusumilluunniit aningaasartuutitalinnik tuniniaasarpata, atuisartunut akiligassiissutininik isumaqatigiissutininik tuniniaanissamik nittarsaaqquusaanngillat, taamaattorli tak. imm. 2 aamma 3. <i>Imm. 2.</i> Ineqarneq pillugu akiligassarsisitsinissamut isumaqatigiissutininik tuniniaanissamik nittarsaassinermi imm. 1 atuutissanngilaq. <i>Imm. 3.</i> Akiligassarsisitsinissamut isumaqatigiissut ukunani tuniniaanissamik

	nittarsaanneqarpat, Imm. 1-imi aalajangersagaq atuutissanngilaq: 1) taarsigassiisartup niuertarfiata sumiiffiani, 2) taarsigassiisartup nittartagaani, 3) qarasaasiaqarnikkut atortorissaarutitigut ungasianiit tuniniaanermi, taarsigassiisartumiit ingerlanneqartumi, imaallunniit 4) nioqqutimik imaluunniit kiffartuussissummik aalajangersimasumik pisinissamik siunertaqarnermi, matumanilu: a) pisiniartup tuniniaasumut pisiap nalinga imaluunniit pisiap nalingata ilaata akilinngikkallarnissaa pillugu isumaqatigiissuteqareernerata kingorna, imaluunniit tuniniaasup suliami peqataasup avataaneersup akornanni isumaqatigiissuteqarnerat toqqammavigalugu, pisisup pisiaata nalinga imaluunniit pisiaata nalingata ilaannaa taarsigassarsiamik matussuserneqarsimappat, b) tuniniaasup niuertarfiata sumiiffiani, nittartagaani, imaluunniit qarasaasiaqarnikkut atortorissaarutitigut ungasianiit tuniniaaffiini inuussutissarsiornermik ingerlatallip ingerlataani, akiligassarsisitsinissamut isumaqatigiissut tuniniaanissamik nittarsaanneqarpat, aamma c) nioqqutip imaluunniit kiffartuussutsip akia pillugu paasissutissiinermut atatillugu tuniniaanissamik nittarsaassineq pippat. § 9 b. Aningaaseriviit aamma taarsigassiisartut allat akiligassiissutinik isumaqatigiissutinik atuisartunut tuniniaasartut, pinnguaatinik imaluunniit pinnguaatinik tuniniaasunik tuniniaanermik nittarsaassinernut atatillugu tuniniaanermik nittarsaaqqusaanngillat, taamaattorli tak. imm. 2-4. <i>Imm. 2.</i> Imm. 1-imi aalajangersagaq atuutissanngilaq, ineqarneq pillugu akiligassarsisitsinissamut isumaqatigiissutinik tuniniaanissamik nittarsaassinermi.
--	--

	<i>Imm. 3.</i> Imm. 1-imi aalajangersagaq atuutissanngilaq, akiligassarsinissamik isumaqatigiissut nioqqummik imaluunniit kiffartuussisummik pisinissamik siunertalimmik tuniniarneqarpat, tamatumunngalu pisiniartup tuniniaasumut pisiap nalinga imaluunniit pisiap nalingata ilaata akilinngikkallarnissaa pillugu isumaqatigiissuteqareernerata kingorna, imaluunniit tuniniaasup suliami peqataasup avataaneersup akornanni isumaqatigiissuteqarnerat toqqammavigalugu, pisisup pisiaata nalinga imaluunniit pisiaata nalingata ilaannaa taarsigassarsiamik matussuserneqarsimappat. <i>Imm. 4.</i> Pinnguaatinik imaluunniit pinnguaatinik tuniniaasumik tuniniaanissamik nittarsaassinermut atatillugu aningaaseriviit allanillu taarsigassiisartut aamma atuisartunut akiligassiissutinik isumaqatigiissutinik tuniniaanissamik nittarsaassinermi imm. 1-imi aalajangiissut atuutissanngilaq, taarsigassiisartup timersornermut aamma peqatigiit aningaasaateqarfiillu inuiaqatigiinnut iluaqutaasunut tuniniaanissamik nittarsaassippat, taarsigassiisartullu 25 procentimik annerusumilluuniit ukiumut aningaasartuutilinnik tuniniaanngippat. Allakkatigut aningaasaliinissamik isumaqatigiissusiortoqarnermi aatsaat ilaatitsinnginneq atuutissaaq.”
	6. § 24 kingorna ikkunneqassaaq: ” § 24 a. Inatsisartut inatsisaanik tamatuminnga unioqqutinneqarsimasinnaasut pillugit kinaassutsimik isertuinikkut saaffiginnittoqarsinnaanissaanut Atuisartoqarnermut Unammilleqatigiinnermullu Aqutsisoqarfik portal-imik sanasinnaavoq. <i>Imm. 2.</i> Atuisartoqarnermut Unammilleqatigiinnermullu Aqutsisoqarfik imm. 1 malillugu saaffiginnisummik tigusaqarsimanini pillugu Aqutsisoqarfiup suliffeqarfik

	naammagittaalliuutigineqartoq imaluunniit allat ilisimateqqusaanngilai. <i>Imm. 3. Atuisartoqarnermut Unammilleqatigiinnermullu Aqutsisoqarfik saaffiginnissummik tigusaqarsimanera pillugu suliffeqarfik naammagittaalliuutigineqartup imaluunniit allap ilisimatinneqarnissaanut, kinaassutsimik isertuilluni Aqutsisoqarfimmut saaffiginnissimasoq Aqutsisoqarfimmut akuersissuteqarsinnaavoq. Pineqartup akuersissutigisinnaavaa, saaffiginnittup aqqa suliffeqarfimmut naammagittaalliuutigineqartumut imaluunniit allanut Aqutsisoqarfiup ilisimatitsissutiginnaaneranut. Aqutsisoqarfiup suliffeqarfimmut naammagittaalliuutigineqartumut imaluunniit allanut saaffiginnittup aqqa ilisimatitsissutigisinnaanissaanut pineqartoq akuersissuteqarsinnaavoq. Suliffeqarfimmut naammagittaalliuutigineqartumut imaluunniit allanut saaffiginnissutip imarisaata ingerlateqqinneqarnissaanut, pineqartoq tamakkiisumik imaluunniit ilaannakortumik akuersissuteqarsinnaavoq."</i>
Kapitali 8 <i>Inuussutissarsiummik ingerlataqartut atuisunit naammagittaalliuutigineqarnerannik suliaqartarnek</i> § 27. Nioqqutissat, sullissinerit kiffartuussinerillu pillugit atuisunit naammagittaalliuutit Atuisartut Pisisartullu Maalaarutaannik Aalajangiisartunut suliaassanngortinneqarsinnaapput. § 28. Atuisartut Pisisartullu Maalaarutaannik Aalajangiisartut naammagittaalliuutit inatsisini allani immikkut naammagittaalliuuteqartarnermut maleruagassanik imaluunniit naammagittaalliorfimmik aalajangersaaffiusimasut suliarisinnaanngilai.	7. Kapitali 8 ima oqaasertalerneqassaaq: "Kapitali 8 <i>Inuussutissarsiornermik ingerlataqartut atuisunit naammagittaalliuutigineqarnerannik suliaqartarnek</i> § 27. Nioqqutit, sullissinerit imaluunniit kiffartuussinerit inuussutissarsiornermik ingerlatallimmiit tuniniarneqartut pillugit atuisartuniit maalaarutit, Atuisartoqarnermut Unammilleqatigiinnermut Aqutsisoqarfimmut tunniunneqarsinnaapput. § 28. Atuisartoqarnermut Unammilleqatigiinnermullu Aqutsisoqarfimmi naammagittaalliuutit suliaassanngortinneqarsinnaannginnera

§ 29. Illuatungaannarsiortumik imaluunniit isumaqatigiissuteqarnikkut aalajangerneqarsinnaanngilaq, naammagittaalliuutaasoq Atuisartut Pisisartullu Maalaarutaannik Aalajangiisartunut suliasanngortinneqarsinnaanngitsoq, takuuk § 27. <i>Imm. 2.</i> Atuisartut Pisisartullu Maalaarutaannik Aalajangiisartut naammagittaalliuutaasoq, Atuisartut Pisisartullu Maalaarutaannik Aalajangiisartuni suliarineqarnissamut naleqqutinngitsutut nalilerneqartoq, suliariumanngissinnaavaa. <i>Imm. 3.</i> Naammagittaalliornermi atuisoq taparserneqarsinnaanngitsoq ersarilluinnarpat, Atuisartut Pisisartullu Maalaarutaannik Aalajangiisartut naammagittaalliuutaasoq suliariumanngissinnaavaa. § 30. Inuussutissarsiummik ingerlataqartut atuisunit naammagittaalliuutigineqarnerannut Atuisartut Pisisartullu Maalaarutaannik Aalajangiisartuni aalajangiiffigineqassapput. <i>Imm. 2.</i> Atuisartut Pisisartullu Maalaarutaannik Aalajangiisartut 3-inik ilaasorta qarput, imatut toqqarneqartartunik: 1) Ilaasorta q ataaseq atuisartunut kattuffinnit ataatsimoorlutik inassuteqaateqarsinnaatitaasunit, Unammilleqatigiinnermi Aalajangiisartunut ilaasortassamik inassuteqaateqartartunit, toqqarneqassaaq. 2) Ilaasorta q ataaseq inuussutissarsiornermi kattuffinnit ataatsimoorlutik inassuteqaateqarsinnaatitaasunit Unammilleqatigiinnermi Aalajangiisartunut ilaasortassamik inassuteqaateqartartunit, toqqarneqassaaq. 3) Ilaasorta q ataaseq Atuisartoqarnermut Unammilleqatigiinnermullu Aqutsisoqarfimmi Aqutsisoqarfimmi pisortaasussaq imaluunniit tullersortaassalluni taassuminnga toqqarneqartoq. Atuisartoqarnermut Unammilleqatigiinnermullu Aqutsisoqarfimmit ilaasorta q Atuisartut	pillugu illuatungaannarsiortumik imaluunniit isumaqatigiissuteqarnikkut aalajangerneqarsinnaanngilaq, takuuk § 27. § 29. Atuisartoqarnermut Unammilleqatigiinnermullu Aqutsisoqarfiup naammagittaalliuutit inatsisini allani immikkut naammagittaalliuuteqartarnermut maleruagassanik imaluunniit naammagittaalliortarfimmik aalajangersaaffiusimasut suliarisinnaanngilai. § 30. Atuisartoqarnermut Unammilleqatigiinnermullu Aqutsisoqarfik naammagittaalliuutaasoq, suliarineqarnissamut naleqqutinngitsutut nalilerneqartoq, suliarissallugu itigartitsissutigisinnaavaa. <i>Imm. 2.</i> Naammagittaalliornermi atuisoq taparserneqarsinnaanngitsoq ersarilluinnarpat, Atuisartoqarnermut Unammilleqatigiinnermullu Aqutsisoqarfiup naammagittaalliuutaasoq suliarissallugu itigartitsissutigisinnaavaa. § 31. Naammagittaalliuutaasoq eqqartuussivinni imaluunniit isumaqatigiissitsiniarnikkut aalajangiisartunit aalajangiissutigineqarsimasoq, Atuisartoqarnermut Unammilleqatigiinnermullu Aqutsisoqarfimmut suliasanngortinneqarsinnaanngilaq. § 32. Inuussutissarsiornermik ingerlataqartup Atuisartoqarnermut Unammilleqatigiinnermullu Aqutsisoqarfimmit § 27 malillugu aalajangiissutigineqartumut pituttorsimanissani kissaatiginngikkuniuk, inuussutissarsiornermik ingerlataqartup tamanna allakkatigut Atuisartoqarnermut Unammilleqatigiinnermullu Aqutsisoqarfimmut aalajangiissutip nalunaarutigineqarneranit ullut 30-t qaangiutsinnagit nalunaarutigissavaa.
---	---

Pisisartullu Maalaarutaannik Aalajangiisartuni siulitaasuusaaq. <i>Imm. 3.</i> Ilaasortat piffissamut ukiunik sisamanik sivilissuseqartumut toqqarneqassapput. <i>Imm. 4.</i> Atuisartut Pisisartullu Maalaarutaannik Aalajangiisartut suliaassanik ataasiakkaanik aalajangiineri ataatsimiinnermi imaluunniit ilaasortanut aalajangiiffisassanik allakkatigut taasinikkut aalajangiiffisassatut saqqummiussilluni nassiussinnermi pisassapput. Atuisartut Pisisartullu Maalaarutaannik Aalajangiisartut ukiumut minnerpaamik ataasiarlunik naapillutik ataatsimiissapput. <i>Imm. 5.</i> Atuisartut Pisisartullu Maalaarutaannik Aalajangiisartut suleriaasissartik namminneerlutik aalajangersassavaat. <i>Imm. 6.</i> Atuisartut Pisisartullu Maalaarutaannik Aalajangiisartut allattoqarfeqarnerat Atuisartoqarnermut Unammilleqatigiinnermullu Aqutsisoqarfimmit isumagineqassaaq. § 31. Naammagittaalliuutaasoq eqqartuussivinni imaluunniit isumaqatigiissitsiniarnikkut aalajangiisartunit aalajangiiffusoq, Atuisartut Pisisartullu Maalaarutaannik Aalajangiisartunit suliaassanngortinneqarsinnaanngilaq. § 32. Inuussutissarsiummik ingerlataqartup aalajangiinnermut Atuisartut Pisisartullu Maalaarutaannik Aalajangiisartunit aalajangiunneqarsimasumut pituttorsimanissaq kissaatiginngikkuniuk, inuussutissarsiummik ingerlataqartup tamanna allakkatigut Atuisartoqarnermut Unammilleqatigiinnermullu Aqutsisoqarfimmut aalajangiinerup nalunaarutigineqarneranit ullut 30-t qaangiutsinnagit nalunaarutigissavaa. § 33. Naammagittaalliornermut suliamik aallartitseqqinnissaq pillugu inuussutissarsiummik ingerlataqartumit piumasaqaat, § 32-mi piffissaliussaq nallertinnagu allaganngorlugu	§ 33. Naammagittaalliummik suliap suliarineranik ingerlatitseqqinnissaq pillugu inuussutissarsiornermik ingerlataqartumit piumasaqaatigineqarpat, § 32-mi piffissaliussaq nallertinnagu allaganngorlugu Atuisartoqarnermut Unammilleqatigiinnermullu Aqutsisoqarfimmut tunniunneqarsimasoq, atuukkunnaarallartitsissaaq. Tamatuma kingorna § 32-mi piffissaliussaq Atuisartoqarnermut Unammilleqatigiinnermut Aqutsisoqarfik suliap suliarineranik ingerlatitseqqinnerata kingorna aalajangiissutip ullulernerqaraniit naatsorsorneqassaaq. § 34. Inuussutissarsiornermik ingerlatalimmut tunngatillugu Atuisartoqarnermut Unammilleqatigiinnermullu Aqutsisoqarfiup naammagittaalliornermut suliani aalajangiissutai, §§ 32-mi aamma 33-mi piffissaliussat qaangiutereerneranni, pinngitsaaliissummik naammassineqarsinnaapput. <i>Imm. 2.</i> Pinngitsaaliissummik naammassinninnissaq pillugu eqqartuussivinnut piumasaqaateqarnermi, Atuisartoqarnermut Unammilleqatigiinnermullu Aqutsisoqarfiup aalajangiissutaa pinngitsaaliissummik naammassinninnissamik piumasaqarnermut tunngavissaliisoq, aammalu inuussutissarsiornermik ingerlataqartup aalajangiissummut pituttorsimanissamik kissaatigineqarnera pillugu pineqartup §§ 32-mi aamma 33-mi piffissaliussat sioqqullugit nalunaaruteqarsimannginneranut uppersarsaat Atuisartoqarnermut Unammilleqatigiinnermullu Aqutsisoqarfimmeersoq ilanngunneqassapput. § 35. Naammagittaalliuuteqarnermut suliami aalajangiisoqareerpat suliami peqataasut tamarmik immikkut suliaq eqqartuussivinnut suliaassanngortissinnaavaat. Aalajangiissut
--	---

Atuisartoqarnermut Unammilleqatigiinnermullu Aqutsisoqarfimmut tunniunneqarsimasoq, kinguartitsinissamik sunniuteqassaaq. Tamatum kingorna § 32-imi piffissaliussaq piffissamit Atuisartut Pisisartullu Maalaarutaannik Aalajangiisartut aallartitseqqinnissamik suliami aalajangeereerneranit naatsorsorneqassaaq. § 34. Atuisartut Pisisartullu Maalaarutaannik Aalajangiisartut naammagittaalliummut suliani aalajangiineri §§ 32-imi aamma 33-imi piffissaliussat qaangiutereerneranni inuussutissarsiummik ingerlataqartumut tunngatillugu pinngitsaaliisummik naammassineqarsinnaapput. <i>Imm. 2.</i> Pinngitsaaliisummik naammassinninnissaq pillugu eqqartuussivinnut piumasaqaateqarnermut Atuisartut Pisisartullu Maalaarutaannik Aalajangiisartut aalajangiinerat pinngitsaaliisummik naammassinninnissamik piumasaqarnermut tunngavissaliisoq aammalu pineqartoq aalajangiinermut pituttorsimanissamik kissaateqanngitsoq §§ 32-imi aamma 33-imi piffissaliussat sioqqullugit inuussutissarsiummik ingerlataqartoq nalunaaruteqarsimanngitsoq Atuisartoqarnermut Unammilleqatigiinnermullu Aqutsisoqarfimmit uppersaasut ilanngunneqassapput. § 35. Naammagittaalliuuteqarnermut suliami aalajangiisoqareerpat illuatungeriit tamarmik immikkut suliaq eqqartuussivinnut suliassanngortissinnaavaat. Aalajangiinerit malinneqanngippata Atuisartut Pisisartullu Maalaarutaannik Aalajangiisartut atuisup piumasaqarneratigut suliaq atuisoq sinnerlugu eqqartuussivinnut suliassanngortissinnaavaa. <i>Imm. 2.</i> Atuisartut Pisisartullu Maalaarutaannik Aalajangiisartut aalajangiineri allaffissornikkut oqartussaasumut allamut suliassanngortinneqarsinnaanngillat.	malinneqanngippat Atuisartoqarnermut Unammilleqatigiinnermullu Aqutsisoqarfik atuisup piumasaqarneratigut, atuisoq sinnerlugu suliaq eqqartuussivinnut suliassanngortissinnaavaa. <i>Imm. 2.</i> Atuisartoqarnermut Unammilleqatigiinnermullu Aqutsisoqarfiup aalajangiissutai allaffissornikkut oqartussaasumut allamut suliassanngortinneqarsinnaanngillat.”
---	--

§ 36. Atuisartoqarnermut Unammilleqatigiinnermullu Aqutsisoqarfimmit aamma Atuisartut Pisisartullu Maalaarutaannik Aalajangiisartunit aalajangiinerit tamanit soqutiginaateqartut tamanut ammasumik saqqummiunneqarsinnaapput. <i>Imm. 2.</i> Tamanut ammasumik saqqummiussineq kinaassuseq ersigunnaartillugu pissaaq.	8. § 36 ima oqaasertalerneqassaaq: “ § 36. Atuisartoqarnermut Unammilleqatigiinnermullu Aqutsisoqarfimmit aalajangiissut tamanit soqutiginaateqartoq tamanut ammasumik saqqummiunneqarsinnaavoq. <i>Imm. 2.</i> Tamanut ammasumik saqqummiussineq kinaassutsimik isertuinikkut pissaaq, taamaattoarli imm. 3 aamma § 37 takukkit. <i>Imm. 3.</i> Inuussutissarsiornermik ingerlatalik akiliisinneqartillugu imaluunniit inaarutaasumik pineqaatissinneqarnermini akiligassinneqarsimatillugu, suliaq tamanit soqutiginaateqarpit imaluunniit Inatsisartut inatsisaanut tassannga aalajangersakkanut imaluunniit tassannga Inatsisartut inatsisaat naapertorlugu najoqqutassiat atuutsinneqalersimasut paasinissaanut pingaaruteqarpit, Atuisartoqarnermut Unammilleqatigiinnermullu Aqutsisoqarfik tamanut ammasumik suliat pillugit ilisimatitsisinnaavoq. Pisuni taamaattuni tamanut ammasumik saqqummiinerit suliffeqarfiup suussusersineratigut pisinnaapput. Tamanna sioqqullugu, Atuisartoqarnermut Unammilleqatigiinnermullu Aqutsisoqarfiup inuussutissarsiornermik ingerlatalik tamanut ammasumik saqqummiinissaq pillugu ilisimatissavaa, immikkut ittumik nukinginnartumik pisoqanngippat.”
§ 37. Atuisartoqarnermut Unammilleqatigiinnermullu Aqutsisoqarfik inuussutissarsiummik ingerlataqartunut Atuisartut Pisisartullu Maalaarutaannik Aalajangiisartut aalajangiinerinik malinninngitsunut allattuiiffimmik tamanut ammasumik saqqummersitsisinnaavoq.	9. § 37, imm. 1 ima oqaasertalerneqassaaq: ” Atuisartoqarnermut Unammilleqatigiinnermullu Aqutsisoqarfik, inuussutissarsiornermik ingerlataqartut Aqutsisoqarfiup kapitali 8 malillugu aalajangiissutaanik malinninngitsut allattorsimaffianik, tamanut ammasumik saqqummiisinnaavoq.”
§ 39. ...	10. § 39, imm. 1 ima oqaasertalerneqassaaq:

1) § 3, imm. 1-2-mik, § 4-mik, § 6, imm. 1, 3 aamma imm. 6-imik, § 9, imm. 2-3-mik, § 11, § 12, § 18, imm. 5 aamma § 23-imik unioqqutitsisoq.	“ 1) § 3, imm. 1-2-mik, § 4-mik, § 6, imm. 1, 3 imaluunniit imm. 6-imik, § 9, imm. 2-5-mik, § 9 a, imm. 1-imik, § 9 b, imm. 1-imik, § 11, § 12, § 18, imm. 5 imaluunniit § 23-imik unioqqutitsinerni.”
	§ 2 Inatsisartut inatsisaat 1. juuli 2026-mi atuutilissaaq.

Tusarniaanermut allakkiaq

Siunnersuut piffissami ulloq 10. novembari 2025-miit ulloq 9. decembari 2025-p tungaanut tusarniaavimmi Naalakkersuisut.gl-imi tamanut ammasumik tusarniaaffigineqarnikuuvoq.

Atuisartoqarnermut Unammilleqatigiinnermullu Aqutsisoqarfik Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoqarfiup ataani pisorta qarfinniit, kattuffinniit il.il. tusarniaanermut akissuteqaatinik tigusaqarpoq:

Grønlandsbanken, Bankivik, Elite Sport Greenland, Kalaallit Nunaanni Timersoqatigiit Kattuffiat, MIO, Aningaasaqarnermut Akileraartarnermullu Naalakkersuisoqarfik aamma Kommuneqarfik Sermersooq.

Tusarniaanermut akissuteqaatit tiguneqarnikut ataani eqikkarneri allanneqarnikuupput nalinginnaasumillu naqinnernik allanneqarlutik, Naalakkersuisullu oqaaseqaatai uingasunik naqinnernik allanneqarnikuupput.

Tusarniaanermut oqaaseqaateqanngilaq: Kommuneqarfik Sermersooq.

Aningaasaqarnermut Akileraartarnermullu Naalakkersuisoqarfik

Naalakkersuisoqarfiup maluginiarpaa, siunnersuummi § 1, nr. 5-imi allannguineri § 9 a, imm. 2-mik nutaamik ikkussisoqartoq, taamaasilluni ineqarneq pillugu akiligassarsisitsinissamut isumaqatigiissutinut il. il. malittarisassat atuutissanngitsut. Naalakkersuisoqarfimmiit ima paasineqarpoq, ineqarneq pillugu akiligassarsisitsinissamut isumaqatigiissutinik tuniniaanissamik nittarsaassineri danskit assinganik inatsisaanni § 19 Kalaallit Nunaanni malittarisassanik assinganik peqanngitsoq. Tamanna pillugu inatsisit nassuiaataanni ikkussisoqarnissaq nalileqquneqarsinnaavoq.

§ 9 a, imm. 1-imi malittarisassaq nutaami ineqarneq pillugu akiligassarsisitsinissamut isumaqatigiissutinik tuniniaanissamik nittarsaassineri § 9 a, imm. 2-mi malittarisassaq atuutsitsinngilaq. Taamaasilluni taakku imarisaanik nalilersuineri, taarsigassiisup malittarisassamiit eqqugaanera pillugu, soorluttaaq taakkua tuniniaanissamik nittarsaassineri killilersorneqarnaviannginnera pillugit ilaanaviannngillat.

Ineqarneq pillugu akiligassarsisitsinissamut isumaqatigiissutinik tuniniaanissamik nittarsaassinerit ulloq manna tikillugu nalinginnaasumik uukapaatitsineri inerteqqut kukkusumik, eqqunngitsumik imaluunniit paasissutissanik amigarluinnartunik inerteqqusisumut ilaatinneqarput.

Danskit tuniniaanissamik nittarsaassisarneri inatsisaanni § 19-imut tunngatillugu, aningaasanik atorluni najukkamik pisinermi isumaqatigiissummik tuniniaanissamik nittarsaassisarneri najukkamut atukkanut atatillugu aningaasartuutitut erniarititanik imaluunniit kisitsit annertussusaannik ilisimatitsiisut, nalinginnaasumik piumasaqaatinik

imaqassapput, naatsorsuusiordermi aaliangersimasunik suleriuseqarnermi ikiorsiissutaasinnaasunik takussutissanik imaqassaaq.

Malittarisassaq EU-p ineqarneq pillugu akiligassarsisitsinissamut peqqussutaanut (Peqqussut 2014/17/EU 4. februaari 2014-imeersoq) Danmark-imi pinngitsoorani atuutsilerneqartussamut ilaavoq).

Kalaallit Nunaanni niuerfimmi ineqarneq pillugu akiligassarsisitsinissamut neqerooruteqartitsisarnerup tuniniaanissamillu nittarsaassisarnerup qanoq innera tunngavigalugit Naalakkersuisut nalilerpaat, peqqussutit malillugit danskit malittarisassaat pineqartup assinganik malittarisassaqarnissaq pisariaqanngitsoq. Atuisunut illersuineq maannamut tuniniaanissamik nittarsaassinerup nalinginnaasumik atuisut agguaqatigiissillugit sunniinerat pillugu nalilersuinerni ingerlanneqartartussaagaluit, salloqittaanermut unioqqutitsinermi tigulaariffigineqartarput.

Aningaasaqarnermut naalakkersuisoqarfiup tusarniaanermut oqaaseqaataa qulaani allaqqasut tunngavigalugit inatsimmut oqaaseqaateqaatiminut allannguuteqassanngilaq.

Naalakkersuisoqarfiup maluginiarpaa, allannguutissamut siunnersuummi §1, nr. 7-imi, § 34, imm. 2 nutaamik oqaasertaliordermik siunnersuuteqartoq, eqqartuussivinniit innersuussineq eqqartuussummik naammassisitsiniaasartumut innersuussinissamut allannguuteqarmat. Tamanna oqaaseqaatini annertunerusumik “eqqartuussummik naammassisitsiniaasartutut” nassuiarneqarpoq. Naalakkersuisoqarfiup aqutsisoqarfimmut allannguutissamut eqqartuussisaaseq pillugu inatsimmi § 597-imi eqqartuussummik naammassisitsiniaasartut pisortaqarfianut innersuunneqarluni allannguuteqarnissaq ilaatigut eqqartuussivinni, Namminersorlutik oqartussat akiliisitsiniaasartui, politiit Kalaallit Nunaannilu Eqqartuussivik akornanni agguataarneqarnikuupput, taamaattumillu oqaaserineqartartoq paatsiveerussutaasinnaalluni, Akileraarnermut Aqutsisoqarfiup akiliisitsiniaasarfiata piginnaaneri innuttaasunut piumasaqaatinik ingerlatitseeqqissinnaanissaa ilanngullugu.

Allanneqartut tusaatissatut tiguneqarput.

Taamaattumik inatsimmi oqaaseqaatinilu ersarissaasoqarpoq. ”Eqqartuussummik naammassiniaasartut” ”eqqartuussivinnut” allanngortinneqassasut. Eqqartuussiviit akiliisitsiniaasarfiit ullumikkut eqqartuussivinniippat, eqqartuussiviulli suleriusaata allanngortinneqarsinnaanera eqqarsaatigalugu, oqaaseq “eqqartuussiviit” atorineqarluni.

Meeqqat pisinnaatitaaffiit sullissivik (MIO)

MIO-p siunnersuutigaa, § 9, imm. 3-mi nioqqutissat meeqqanut inuusuttunullu naapertuutinnigitsut tuniniaanissamik nittarsaassinissaq pillugu inerteqqut inatsimmut siunnersuummi allaqqajunnaarluni, suut nioqqutit ikiorsiissutillu meeqqanut navianaateqarnerisut, imaluunniit Naalakkersuisut § 9, imm. 6-p allanngortinneqarnissaanut suliami attuumassuteqartut akornanni oqaloqatigiittarnissaq pilersinneqassasooq. Taassuma saniatigut MIO-mit siunnersuutigineqarpoq, § 9, imm. 6 “inissinneqarsinnaavoq”-mit

“inissinneqartassaaq”-mut allanngortinneqassasoq, taamaasilluni Naalakkersuisut maleruagassamik suliaqarnissaannut ersarissumik piumasaqaatinngussalluni.

§ 9, imm. 3-mi aalajangersagaq piffissap ingerlanerani allaqqasup isumaa ineriartorsinnaammat, nalinginnaasumik eqqartuussisutut allanneqarsimasoq, tassani nioqqutit nutaat niuerfimmi tuniniarneqalissappata, nioqqutit assigiinngitsut pillugit ilisimasat nutaat ilisimaneqalerpata imaluunniit immikkut inatsimmut ilanngussilluni ukiunut killigitit allanngortinneqalissagaluarpata.

Aalajangersakkamut oqaaseqaatit allanneqarsimasut, tassani nioqqutit sorliit nalilersuineri tunngavineqartassanersut, assersuutigalugu nioqqutinit arlallit assersuutitut allaqqasinnaasut, soorlu seqinerfigitittarfiit, energidrikkit sanigorsaatillu aalajangersakkami ilaatinneqarsinnaapput.

Matuma saniatigut § 9, imm. 6-imut oqaaseqaatini allanneqarsimavoq, nioqqutit aaliangersimasut ineriartorneri ilutigalugit aaliangersimasumik allaffissornikkut ingerlatsineri suleriuseqartoqarnissaa ingerlatiinnarneqarluni, aalajangersakkami maleruagassamik atuutsitsilernissaq naatsorsuutigineqarsinnaasoq. Taamatut suleriuseqarneq ammasumik suleriuseqarnissamut ammaasuusaaq allaffissornikkullu suleriutsimut pitsaasumut naapertuulluni.

Nalunaarut § 9, imm. 6 naapertorlugu suliarineqartoq tamanut tusarniaassutigineqartussaavoq, tassani suliffeqarfiit attuumassuteqartut ilanngullugit, taamaasillutik siunnersuummut oqaaseqaateqarnissaminnut periarfissaqassallutik.

Siunnersuut taamaattumik allannguutissatut siunnersuummut allannguinnissamut tunngavissaanngilaq.

MIO-mit eqqarsaatissatut siunnersuutigineqarpoq, inatsimmut siunnersuut inuusuttut 15 aamma 17 akornanni ukioqartunut illersuisuunerata pitsanngorsaaviginissaanut qulakkeerisuunersoq, § 9, imm. 4 aamma 5-imut siunnersuutigineqartumi 15-inik ukioqarnissaq killigitinneqarmat.

15-inik ukioqarnissaq killigitinneqartussatut siunnersuutigineqartoq inuit attaveqaataannut, meeqqanut inuusuttunullu tuniniaanissamik nittarsaassisarnermut atorneqartartunut tunngasuuvoq, ilaatigut tuniniaanissamik nittarsaassisarneq meeqqanut inuusuttunullu nioqqut pissusissamisut naapertuutinngitsaq inuit attaveqaataanni tuniniaanissamik nittarsaassisarnermut tunngasuuvoq. Tuniniaanissamik nittarsaassisarneq, inuusuttunit 15 inorlugit ukiulinnit peqataaffigeqqusaanngitsut, tuniniaanissamik nittarsaassisarnermi meeqqanut inuusuttunullu 18-it inorlugit ukiulinnut attaveqaatini tunngatinneqartarpoq, ima paasillugu inuusuttunut 15 – 17-ini akornanni ukiulinnut, sammineqartunit ukioqqunernut, tunngatinneqartarpoq.

Inuusuttut 15-inik sinnerlugillu ukiullit eqqarsaatigalugit, inuit attaveqaataanni tuniniaanissamik nittarsaassisarnermut peqataasinnaanerannut periarfissaqarnissaat killilersorneqassanngitsaq siunnersuutigineqarpoq. Inuusutissarsiuteqartoq inuuttumut

isumaqatigiissuteqarusukkuni, inuuttullu suliffeqarfik aamma/imaluunniit suliffeqarfiup nioqqutaa pillugu tuniniaanissamik nittarsaassisussaalluni, taava aallaaviusumik tuniniaanissamik nittarsaassisarnermut maleruagassanik unioqqutitsissaaq, tassani angajoqqaatut oqartussaassusillit taamaasiortoqartinnagu piginnaatitsissummik akuersisimangippata.

Sulinermi avatangiisit pillugit inatsimmi takuneqarsinnaavoq, 15 – 17-inik ukiullit atuartussaannermit ilaatinneqanngitsut ullormut akunnerni arfineq-pingasuni sulisinnaatitaapput. Inuiaqatigiinni inerisimassuseq akisussaaffeqarnerlu pingaartinneqarput, inuusuttullu pinerluuteqartartunngornerat ukiukillingaluttuinnarluni aamma inuit attaveqaataanni ilisimariikkatsit takussaaleralluttuinnarluni.

Matuma saniatigut tuniniaanissamik nittarsaassisarneq tamarmi, inuusuttunut 15 – 17-it akornanni ukiulinnut tunngassuteqartut, maannamut § 9, imm. 1-ip ataani sakkortusisamik nalilersueriaaseqartumiilissaaq.

Naalakkersuisut taamaattumik isumaqarput, inuusuttut 15 – 17-it akornanni ukiullit inuit attaveqaataanni ussassaarutini eqquiniaatitsinernut peqataanissaannut inerteqquteqarnissamut naammanginartumik tunngavissaqanngitsaq.

MIO-mit siunnersuutigineqarpoq, inatsimmut siunnersuut nuna tamakkerlugu paasititsiniaanermut suliniummik ingiaqateqarluni ingerlanneqassasoq, tassani meeqqat, inuusuttut angajoqqaallu toqqissillutik tuniniaanissamik nittarsaatinut digitaliusunut peqataasarniassammata. Mio-mit siunnersuutigineqarpoq, inatsimmi piumasaqaatitut suliarineqassasoq, tassani Atuisartoqarnermut Unammilleqatigiinnermullu Aqutsisoqarfik attuumassuteqartumik ukiunullu naapertuuttumik paasititsiniaanissamut atuagassiamik sanasinnaasoq.

Atuisartoqarnermut Unammilleqatigiinnermullu Aqutsisoqarfik ilisimatitsiivoq, Norgemi atuisunut pisortaqarfik atuartitsinermut atorneqarsinnaasunik atuagassialiortoqarsimasooq (Ussassaarutitut atuarfik) ilaatigut digitalimik tuniniaanissamut nittarsaassineq meeqqanut inuusuttunullu tulluarsagaq. Atuisartoqarnermut Unammilleqatigiinnermullu Aqutsisoqarfik assigusumik aallarteerusulluni, periarfissat misissussanerlugit eqqarsaatersuutigaa.

MIO-p oqaatigaa, ullumikkut digitalimik tuniniaanissamik nittartaassisarneq annertunerpaaq inuit attaveqaataanni sunniiniaasartut aqqutigalugit ingerlanneqartartoq, nittarsaassinerlu angerlarsimafimmiissinnaalluni oqariartuutai niuernerpalaartuinnarlutik, taamaattumik ussassaarutitut taaneqarnissaanut ersarinnerusumik sinaakkusersuinissaq eqqarsaatigineqarsinnaavoq.

Inatsisissatut siunnersuummut oqaaseqaatini pkt. 2.2-p ataani allanneqarsimasumi ussassaarutit toqqorsimasuunissai pillugit inerteqquteqarnissamut allannguut, inuit attaveqaataanni atorneqaleralluttuinnarneri peqqutaalluni nammineq imaluunniit tamanut oqariartuutaanersoq takujuminaassinnaasarmat pingaarnertut anguniagassatut eqqarsaatigineqassammat. Siunissami tunngavigineqartassaaq, imaqarniliaq tamanut ussassaarutaanersoq, ussassaarutitullu sunniuteqarnersoq.

Inuit attaveqaataanni sunniiniartartutut inuussutissarsiuteqartut siammasissumik isiginnaartoqartarlutillu aamma CVR-normoqartarmata il.il. nammineq inuussutissarsiuteqartuupput, matumalu saniatigut imaqarnialiaq tamarmi sunniiniartunit inuit attaveqaataanni takussutissiarineqarsimasoq ussassaarutit isigineqassanersoq eqqarsaatigineqarsinnaavoq, taamaattumillu tuniniaanissamik nittarsaassisarneq pillugu inatsit naapertorlugu ussassaarutaassasoq, tassani ussassaarutaanersoq apeqqutaatinngu. Apeqqu Kalaallit Nunaanni Eqqartuussivinni sulis misiligarneqanngilaq.

Sunninniartartunut kisimi naleqqussakkamik immikkut malittarisaliorneq teknikkikkut imarisamikkullu pisoqaliaarpallaarsinnaanerata nalaanneqarsinnaavoq, tassani tuniniaanissamik nittarsaassisarneq allamut saatinneqarsimaguni, assersuutigalugu AI-chatbotsit atorlugit oqariartuuteqartalersimagunik. Tuniniaanermik nittarsaassisarneq pillugu inatsimmi aalajangersakkat taamaattumik sapinngisamik teknikkikkut pituttorsimasuutinneqarneq ajorput, tuniniaanissamillu nittarsaassisarnermi nittarsaasseriaatsit tamaasa atorniartarlugit.

Siunnersuut taamaattumik inatsimmut siunnersuummut allannguuteqarnissamut tunngaviliisuunngilaq.

MIO oqaatigaa, meeqqat 15-it sinnerlugit ukiullit tuniniaanissamik nittarsaassisarnerat ingerlanneqaannarsinnaaguni, ersarinnerusunik sinaakkusersuinissaq nakkutilliinissamullu ataqatigiissusiarsinnaanissaq eqqarsaatigineqartariaqartoq.

Inuussutissarsiuteqartut inuuttumik isumaqatigiissuteqarusukkuni, inuuttorlu suliffeqarfik sinnerlugu tuniniaanissamik nittarsaassilluni aamma/imaluunniit nioqqutai pillugit nittarsaassilluni, tuniniaanissamik nittarsaassisarnermi ileqqunut naapertuutissanngilaq, tassani angajoqqaanit piginnaatitsissut akuerineqarluni atsiorneqaaqqaartariaqarmat.

Ukiukitsumik nammineq angajoqqaanit piginnaatitsissummik akuersissuteqaaqaarani atorfilittatut imaluunniit nammineq suliaqarnermi isumaqatigiissuteqarsimagaanni, angajoqqaatut oqartussaassuseqartumit atorunnaarsinneqarsinnaavoq, tassani meeqqap perorsarneqarneranut imaluunniit atugarissaarneranut pisariaqartinneqarpat, tak. Angajoqqaatut akisussaaffik pillugu inatsimmi § 44, 1. pkt.

Meeqqap sulinermi isumaqatigiissutaanik malittarisaliorneq tuniniaanissamik nittarsaassisarneq pillugu inatsimmi suliaqarnissaa naapertuutinngilaq, tassani § 2, imm. 2 naapertorlugu akissarsiaqarluni aamma sulitilluni piumasaqaatit pineqartumi ilaatinneqaratik, inatsimmi allammi ilaatinneqarmata.

Siunnersuut taamaattumik inatsimmut siunnersuummut allannguuteqarnissamut tunngaviliisuunngilaq..

Grønlandsbanken A/S

Grønlandsbanken ilisimatitsiivoq, aningaaserivik nalinginnaasumik meeqqat tuniniaanissamik nittarsaassisarneq pillugu isumaqatigiissuteqarnissaannut meeqqanullu tuniniaanissamik nittarsaassisarneq il.il. pillugu aaliangersakkanut oqaaseqaatissarani.

Grønlandsbanken ersarissaavoq, § 9 b, imm. 1-itut siunnersuutigineqartoq, Danmarkimi spilertarfinnut atatillugu aningaasanik atornissaq inerteqqutaasumut tunngatillugu isumaqartoq, aningaaseriviit timersornermi sammisaqartitsisunut aamma timersortarfinnut il.il. aningaasaliisarnitik utertittariaqartaraat.

Kiisalu Danmarkimi atuisunut aningaasanik atorniartarfiit timersornermut peqatigiiffiillu nalinginnaasunik timersorfiusartunut aningaasaliisarnerat maleruagassami ilaatinneqanngitsoq.

Grønlandsbankenimit oqaatigineqarpoq, whistlebloweritut saaffiginnittarfittut siunersuutip suliffeqarfiit nalunaarutigineqartut nalunaarutigissutip imarisaanik ilisimasaqarnissamut periarfissaat periarfissaajunnaassasoq. Aningaaserivik isumaqarpoq, suliffeqarfiit whistlebloweritut nalunaaruteqartoqarsimasoq pillugu ilisimatinneqarnissaat pisariaqartoq, tassani isortaqarfiit suliffeqarfiup nalilersornerani imaluunniit misissuinissamut tunngaviliineranut sunniteqarpat. Aningaaserivimmit ima paasineqarpoq, Atuisartoqarnermut Unammilleqatigiinnermullu Aqutsisoqarfiup nalilersorsinnaajuaannarsimangikkaa, nalunaarut piviusuunersoq imaluunniit ajortisaarutaannaalluni nalunaarutaasimanersoq.

Aaqqiissutitut siunnersuut unammilleqatigiinnermi sulianut atuutsinneqalereernikuuvoq.

Suliffeqarfiutillit amerlanerit mikinerupput amerlanngitsunillu suliaminnik ilisimasaqarluartunik sulisoqarlutik. Atukkat pineqartut kisiisa eqqaaginnarlugit, whistlebloweritut tunniussinnermi, kina tunniussisuunersoq, suliffeqarfik tunniunneqartoq kisiat tunngavigalugu paasineqarsinnaakkajuttarpoq. Matuma saniatigut imaqarnera, oqaatsinik atuinera allariaasialu il.il. nalunaarummi aamma kina whistlebloweritut saaffiginnittuunersoq suliffeqarfimmit paasineqarsinnaakkajuttarluni, tassani aqutsisoqarfik suli naliliinngikkaluartoq.

Taamaattumik pisariaqartoq nalilerneqarsimavoq, whistlebloweritut saaffiginnittup kinaassusaa isertuunneqaannarani, aamma saaffiginnissutip imarisaata isertuunneqarnissaa pisariaqartoq, kissalu sammineqartoq pillugu saaffiginnissummik tigusaqarsimaneq aamma isertuunneqassasoq.

Whistleblowerimit piginnaatitsissuteqartinnani aqutsisoqarfik suliffeqarfimmut saaffiginnissut pillugu akornuserneqaannarani aamma pisortaqarfiit allat, assersuutigalugu politiit ilisimatinnissaannut periarfissaqassanngilaq. Whistlebloweritut saaffiginnissut taamaattumik namminermini suliffeqarfimmut imaluunniit politiinut tunniussassatut nakkutilliinertut allaatiginninnerunngilaq, kisimi ingerlatitseqqiinissamut piginnaatitsissummik akuersissuteqartoqarsimappat taamaasiortoqarsinnaalluni. Piginnaatitsissummik akuersissuteqartoqanngippat, whistlebloweritut saaffiginnissut taamaasilluni suliffeqarfik pillugu nakkutilliinertut suliamik suliarinninnermut

ilanngunneqassaaq. Tamanna kisimi aqutsisoqarfiup immikkoortoqarfimmi pineqartumut suliffeqarfimmik nalinginnaasumik nakkutilliisoqarnissanut isumassarsiorfiusinnaassaaq.

Siunnersuut taamaattumik malinneqanngilaq.

Grønlandsbanken siunnersuuteqarpoq, inatsimmut siunnersuummi atuisut maalaarutaannik suliat aalajangiiffigineqarnissaminut aaliangersimasumik uppersaateqartariartut pillugit aalajangersagaqassasoq, tassani Atuisartoqarnermut Unammilleqatigiinnermullu Aqutisoqarfiup allaffissornikkut suliarineqarnissaminut itigartinneqartassasut. Aqutisoqarfik taamaasilluni atuisut maalaarutaannut suliaqarnissaminut illua-tungeriinnut paasissutissanik noqqaassuteqarnissaminut atugassaminik neqerooruteqarsinnaalluni, tassani aqutisoqarfik inatsitigut kisimi nalilersuinissaminut neqerooruteqarsinnaammat eqqartuussiviullu ilisimariigaannik, uppersaatit nalilersornerinut aamma aalajangiinissaminut piginnaatitaaffeqarnani.

§ 30-mi siunnersuutigineqartumi takuneqarsinnaavoq, Atuisartoqarnermut Unammilleqatigiinnermullu Aqutisoqarfik maannamut atuisut maalaarutaannik suliaqarnissamut naapertuutinngitsunik itigartitsisinnaasoq. Oqaaseqaatini allanneqarsimasutut ilaatigut suliani aalajangiinissamut uppersaateqartariaqartuni, aqutisoqarfik aalajangiinissaminut pisinnaanngitsoq.

Suliami aalajangiussaq illersorsinnaassaguni uppersaasunik nassuiaanertalerlugu uppersaateqartariaqarpoq, tamannalu eqqartuussivinni kisimi anguneqarsinnaalluni, taamaattumik suliaq uppersaatinik amigaateqarnera peqqutaalluni suliarineqarnissaminut itigartinneqareersinnaalluni.

Aalajangersagaq “periarfissiigaluartoq”, aqutisoqarfiup nalilerpaa, inatsit ingerlatsinermut nalinginnaasumik periuuserineqartartuni ilaatigut suliarineqarnissaminut nalinginnaasumik ilaatigut suliami amigaateqartoq. Oqaaseqaat qanoq ikkaluarpalluunniit suliaq taamaasilluni § 30 naapertorlugu suliarineqarnissaminut itigartinneqassaaq, tassani uppersaatit amigaateqarneri peqqutaalluni allaffissornikkut aalajangiinissaq imminut illersorsinnaanngitsoq nalilernerqarsimappat.

Siunnersuut taamaattumik malinneqanngilaq.

Bankivik

Bankivik siunnersuuteqarpoq, aningaaseriviit § 9a, imm. 1-imi ÅOP-killigitinneqartoq pillugu maleruagassatut siunnersuutigineqartumi ilaatinneqassanngitsut, tassani atuisunut nalinginnaasumik aningaasanik atorinissaq neqeroorutigineqarneq ajormat, aalajangersakkamulli naapertuutinngitsunik aamma aningaasanik atornermi isumaqatigiissutinik qaqutigooraluartumik nalaassisoqarsinnaavoq. Assersuutigalugu atuisoq piffissami sivikitsumi nalermik annikitsumik uninngasuutit sipporlugit tigusaqarsinnaavoq, tassani kiffartuussinermut akilersuummi ÅOP 25 % sinnersinnaammagu. Aningaaserivik tassunga atatillugu allappoq, Danmarkimi maleruagassap malitsigisimagaa, sippuineq

periarfissaajunnaarsimasoq, taamaasillunilu kiffartuunneqartut ikiorserneqarsinnaasimanatik, aamma aningaaserivimmut sullitat pitsaasuugaluarlutilluunniit.

Kalaallit Nunaanni aningaaseriviit kisimik atuisunut aningaasanik atorniaartitsisarput. Maleruagassami ilaatitaqannginneq taamaattumik atuisunut illersuinissamut ajoqusiissaaq. Matuma saniatigut inatsisitigut piumasaqaataangilaq, aningaaseriviit kiffartuussinermut akilersuusersuillutillu sipportoorinermi ilanngaasersuinissaat, tassani akilersuutit ilanngaatililu isumaqatigiissummi ilaatinneqareerlutik isumaqatigiissutaasarmata.

Aningaaserivik sullitaminut ikiuulluarusukkuni, aningaaseriviup aningaasaliilluni piffissami sivikitsumi sippuinermut atatillugu akilersuutinik ilanngaatinullu piumasaqaateqarnissaminut atorunnaarsitsisinnaaneranut imaluunniit nalermik AOP-killigititamat naapertuuttumik appaanissaanut ajoqusiissaaq.

Siunnersuut taamaattumik malinneqanngilaq.

Bankivik siunnersuuteqarpoq, aningaaseriviit § 9b, imm. 1-imi aningaasanoorutitut ussassaarutitut atatillugu tuniniaanissamik nittarsaassisarneq pillugu atorniaartitsisarneq pillugu maleruagassamut ilaatinneqassanngitsut, tassani Danmarkimi assigusumik aalajangersagaqarnera peqqutigalugu aningaaseriviit inuit attaveqaataanni ussassaaruteqartarnertik unitsissimammassuk, tassani ussassaarutit aningaaseriviit sunniiffigisinnaanngisaannik periuseqartarmata.

Inuit attaveqaataanni tuniniaanissamik nittarsaassinermut ilisimaneqanngitsunik periuseqartoqarpat, aningaasanillu atorniaartitsisinissamut aamma aningaasanoornissamut ussassaarutitik akulerussuineq avaqqunneqarsinnaanngippat isumannaallisarneqarsimassanngimmat, aningaaseriviit allallu aningaasanik atorniaartitsisinnaasut tuniniaanissamik nittarsaassisarneq aqunneqarsinnaanngitsoq atornissaa aalajangersakkap siunertaanut naleqqunnaani naapertuutinngitsoq.

Maleruagassamut aningaaseriviit ilaatinneqannginnissaat, allatuulli aningaasanik atorniaartitsisartutut inuit attaveqaataanni tuniniaanissamik nittarsaassisinnaasut killormuanik atugaqarnerat peqqutaalluni, matuma saniatigut unammilleqatigiinnermut innarliisumik allanut aningaasanik atorniaartitsisartutut nunatsinni niuerfimmik pilersitserusuttunut nalaataqartitsisinnaavoq.

Siunnersuut taamaattumik malinneqanngilaq.

Bankivimmit allanneqarpoq, Danmarkimi aningaasanoorutit pillugit ussassaarutitut atatillugu tuniniaanissamik nittarsaassineq pillugu inerteqquteqarneq ima kinguniperluuteqarsimasoq, danskit aningaaseriviit ilaatigut timersoqatigiiffinnut aningaasaliissutiminnik unitsitsisariaqarsimasut, taamaattumik aalajangersakkami ilaatinneqannginnissamut maleruagassamik ilanngussisoqarsimavoq, tamannali Inatsisartut Inatsisaannut siunnersuummi ilaatinneqarsimanani.

Naalakkersuisut inatsimmut siunnersuummi § 9 b, imm. 4-mi Grønlandsbankenimit, Bankivimmit, Timersoqatigiit Kattuffianit aamma Elite Sport Greenlandimit ernumassutaasut naapinniarlugit ilaatinneqannginnissamut aalajangersakkamik ilanngussisimapput.

Elite Sport Greenland

Elite Sport Greenland (ESG) allappoq, inatsimmut siunnersuummi atuisunik illersuinissaq neqerooruteqartullu aningaasaliilluni nioqqutitut akulerunneqarnissaannut killilersuilluni siunertarineqartut paasisinnaallugit. Maluginiaqquneqarporli siunnersuummi § 9b, imm. 1 kalaallit timersoqatigiiffiit annertuumik naapertuutinngitsumillu kinguniperluutaasussaammat.

ESG allappoq, ”spilinit atatillugu tuniniaanissamik nittarsaassisarneq”-mik allanneq, inatsimmi ima kinguneqartitsisinnaasoq, avatangiiserisami spilinit neqerooruteqartunik saqqummisuqarpat, aningaasaliisut inatsisitigut timersornikkut unammiumartitsinerni imaluunniit nunanik unammisaqattaartitsinermi ilisarnaatimik nuisatinnissaannut tunngavissaqaratik. Tamanna aningasaalinermi isumaqatigiissutaareersunut nalornisitsivoq, aningaasaliinerillu unitsinneqarnissaat nalaanneqariaannanngorluni.

ESG-ip inatsimmut siunnersuutip maannamut ima isikkoqartillugu kinguniperluutaasussat arlallit allaaserivai.

ESG-imit taamaatumik kaammattuutigineqarpoq — danskit tuniniaanissamik nittarsaassisarneq pillugu inatsisaanni § 11b, imm. 4 naapertorlugu — ersarissaammik imaluunniit ilaatinneqannginnissamut ilanngussaqaassat, tassani ataani allanneqartut qulakkeerumallugit:

- Aningaasaqarnikkut suliffeqarfiit timersoqatigiiffinnut aningaasaliinerat inerteqqummi ilaatinneqanngillat, tassani aningaasaliinerit spilinit atatillugu tuniniaanissamik nittarsaassinernut attuumassuteqanngippata
- Aningaasanik atorniartitsisup aqqa ilisarnaataalu inatsisitigut unioqqutitsinani timersorluni unammiumartitsinerni suli nuisatinneqarsinnaavoq, tassani toqqaannartumik spilinit neqerooruteqartartunut attuumassuteqanngippata.

Taamaasiernerup qulakkiissavaa, inatsimmut siunnersuummut siunertaq atuutsiinnarneqarluni Kalaallit Nunaanni timersoqatigiiffiit naapertuutinngitsumik sakkortuumillu artukkerneqannginnissaat.

Naalakkersuisut inatsimmut siunnersuummi § 9 b, imm. 4-mi Grønlandsbankenimit, Bankivimmit, Timersoqatigiit Kattuffianit aamma Elite Sport Greenlandimit ernumassutaasut naapinniarlugit ilaatinneqannginnissamut aalajangersakkamik ilanngussisimapput.

Timersoqatigiit Kattuffiat

Timersoqatigiit Kattuffiat allappoq, inatsimmut siunnersuutip atuisunik illersuinissaq nukittorsarniarlugu stuniniaanermilu nittarsaassinermut innarliisut killilersorniarlugit siunertaasut akueralugit. Inatsimmulli siunnersuutip maannamut isikkua tunngavigalugu timersoqatigiiffinnut kinguniperluutaasinnaasut ersarissaatigineqarput.

Timersoqatigiit Kattuffiata eqqaavaa, siunnersuut danskit ilaatitsinnginnissamut aaqqiinerannut killormoortuusooq, tassani aningaasaliisut timersoqatigiiffillu pillugu suleqatigiit sulii periarfissaqartinneqarmata.

Timersoqatigiit Kattuffiata eqqaavaa, timersoqatigiiffiit, Kalaallit Nunaanni immikkut kattuffiit timersorfissallu nunami aningaaseriviit suliffeqarfiillu aningaasaliineri peqqutaallutik ingerlasinnaasunik.

Timersoqatigiit Kattuffiata aammattaaq eqqaavaa, inatsimmut siunnersuut ilaatinneqannginnissaq pillugu ilanngussinani atuutsinneqalissappat, timersoqatigiiffinnut aningaasaliinerit annertuumik annikillissasut, tamassumalu sammisassaqaqtitsinerit annikillisillugit neqeroorutinik unitsitsisariaqalerneq il.il. inernerisinnaallugit.

Timersoqatigiit Kattuffiata siunnersuutigaa, danskit § 11 b, imm. 4-ata assinganik ilaatinneqannginnissaq pillugu ilanngussisoqassasoq, taamaasilluni aningaaseriviit timersoqatigiiffinnut aningaasaliisarnerat suleqateqarnerallu ingerlatiinnarneqarsinnaalluni. Eqqaavaat, aalajangersakkap timersornerup aningaasaqarnerata tunngavissaata attatiinnarneqarnissaanut atuisunut illersuineq eqqarsaatigalugu oqimaaqatigiisitsisussaasoq.

Naalakkersuisut inatsimmut siunnersuummi § 9 b, imm. 4-mi Grønlandsbankenimit, Bankivimmit, Timersoqatigiit Kattuffianit aamma Elite Sport Greenlandimit ernumassutaasut naapinniarlugit ilaatinneqannginnissamut aalajangersakkamik ilanngussisimapput.